


TIFFEN Color Control Patches © The Tiffen Company, 2007

32136
7560



明詩紀事

庚籤

楊漣一首

漣字文孺應山人萬歷丁未進士除嘗熟知縣徵授

戶科給事中遷兵科右給事中進都給事中改禮科

擢太常少卿拜左僉都御史進左副都御史死璫禍


崇禎初贈太子太保兵部尚書諡忠烈有集六卷

靜志居詩話六君子被逮周綱袁軫顧三公以五月

到北司魏楊左三公以六月到北司比較之日六月

伏檐溜下楊居中左居楊之左魏居楊之右顧居魏

之右周居左之左袁居周之左許顯純初猶作爾汝
稱旋竟呼名叱咤獄吏有稱犯官者顯純怒罵曰此
等犯人耳何官之有其刑具有械有鏡有棍有杵有



夾棍遇比較流血灑地楊左魏三公先斃次袁次周
次顧投環而逝是年六月詔獄土地祠前樹下生一
黃芝六君子至日光彩映人環視適六瓣見者疑吉
兆顧公歎曰芝瑞草也而生於獄其妖乎未幾六君
子皆斃於獄揚公之歸櫬也負以二騾其子及一二
蒼頭徒跣道上行路皆為飲泣云

失題

山色無定姿如煙復如黛中有素心人鳴琴應秋籟

左光斗一首

光斗字遺直桐城人萬曆丁未進士授中書舍人遷
御史擢大理寺丞進本寺少卿拜左僉都御史死璫

禍崇禎初贈右都御史再贈太子少保福王時追諡

忠毅有集五卷

居易錄左忠毅公視北畿學有知人鑒凡所題品往
往奇中史公可法年少貌寢公拔之為童子冠勉之

曰善自愛將來社稷臣也後卒如其言

靜志居詩話萬忠貞之死忠毅哭之以詩有云我有
白簡繼君何能已與君同游杖下矣丹心留在天壤

間默默之生不如死是亦不媿其言者也
柳亭詩話孫文忠高陽集有三十五忠詩左忠毅其
一也忠毅送楊大洪歸里詩觸階流血君方見叩闥

排簾宮始移痛定思痛亦未知後日之禍如是之烈
也

田按忠毅生平佩服楊椒山顏其堂曰噉椒及遭璫
逐道中感懷云願難諧粟里禍恐續椒山卒與楊公
同一死義

兩宿

小雨疏林淨虛堂老衲聞夜深官燭短病後酒杯慳起和壁

間韻行看窗外山一聲鐘磬寂明月起松關

繆昌期一首

昌期字當時嘗熟人萬曆癸丑進士改庶吉士授檢

討歷贊善諭德死璫禍崇禎初贈詹事兼侍讀學士

福王時諡文貞有從野堂存稿八卷

靜志居詩話六君子之獄多以攻客魏取禍文貞無
言責而黨人者尤惡之蓋以善謀見嫉也文貞與
顧涇陽書云東漢南宋之事某感歎於中者久矣互
相標榜豈士君子之幸哉又與楊大洪書不肖歸矣
便可不復出又與葉臺山云不入長安門不知世路
之險惡也亦明哲之見而終不免焉命矣夫猶
田按福清再相史稱事沖主不能審直如神宗時猶
數有匡救然於楊大洪疏劾魏忠賢二十四大罪深
以為非且謂忠賢於上前時有匡正鳥飛入宮上乘
梯手攫之忠賢挽衣不得上有小璫賜緋者忠賢叱
曰此非汝分雖賜不得衣也此疏行安得此小言以
愼之人在上左右時文貞在座愕然曰誰為此言以
誤公可斬也福清色變乃具揭請合忠賢退歸私第
此事見文貞文集自敘中余謂是時忠賢播惡於眾
福清豈不知之乃伴為此言是亦權譎自保之一端
大臣不言而小臣乃言之文貞亦坐此與大洪俱填
牢獄衡之焉用彼相之義福清其謂之何哉

入檻車

嘗讀膺滂傳潸然涕不禁而今檻車裏始悟夙根深一死無

餘事三朝未報心南枝應北指視我實園陰

周順昌 二首

順昌字景文吳人萬歷癸丑進士除福州推官徵授

吏部主事遷員外郎中死璫禍崇禎初贈太常寺卿

諡忠介有燼餘集三卷

靜志居詩話忠介之逮在天啟丙寅三月校尉至知
吳縣事陳文瑞持檄詣公公從容談笑入書齋理圖
籍見案有素楮為龍樹菴僧乞書者此筆揮灑拂袖
而出入縣麻越三日宣詔聚觀者累萬人巡撫立於
左巡按立於右諸生王節等肅而前曰大人有事地
方詭不知吏部居鄉立朝者今日人情如此明公獨
不為青史計乎曷不據實上聞請外臺勘治撫按股
栗不敢諾親騎手琅璫擲之地大呼囚安在眾怒奮

寄懷鹿乾岳年兄

躍而登攀關折楯歐諸校尉詰日旨何從出日魏上
公於是眾共擊持偽旨者時大雨堂下萬履齊擲具
騎伏撫案脇下一尉匿梁上驚墮而死是夜撫按具
疏告變捕十三人下於獄論五人公與丁也佩韋臨
韋馬傑楊彥如沈揚周文元公與丁也佩韋臨
刑告知府寇慎日囚等為周吏部死於義非為亂
也公既斃於錦衣獄歸葬白蓮橋南馬家墩崇禎初
吳人毀魏忠賢晉惠祠購佩韋等頭獻合尸葬於是
題曰五人之墓太倉張溥為作碑記先是御史倪文
煥首勅公及敗書見五人戎裝帶劍入其室須臾旌
旆導公來庭中石井關忽飛起轟震而去亦異事也
公子茂開字子佩嘗鬻指漚血書疏草頌公冤故邀
卹典特優渥子佩高隱不仕鄉人私謚端孝先生其
血書副本尚存於家子會見之為跋其尾

相思懷抱向誰開秋盡衡陽雁不來三十功名淹海國百年
心事弔荒臺壯懷自覺愁中盡薄鬢偏從病裏催世路行藏
須努力月明北望轉徘徊

假歸留別次文起韻

此日邊烽接帝都忍將歸計向征途十年懷抱樽前盡且向

青山學釣徒

魏大中一首

大中字孔時嘉善人萬歷丙辰進士授行人遷工科
給事中歷禮科右給事中進吏科都給事中死璫禍
崇禎初贈太常卿諡忠節有藏密齋集二十四卷

靜志居詩話忠節骨鯁之臣然頗留心風雅里人王
屋布衣能詩公見其賦秋蘭作爲之擊節值文會公
曰孰爲賦秋蘭者起而復揖之布衣感公之知公被
逮日徒步送之境外揮淚而別
田按思節被逮宿奉聖禪院留題云果不鑿臨惟有
死縱然歸去已無家其語沈痛讀之令人流涕

秋日元爾見過書懷

其後卷六

四

秋來工伏枕四壁未須愁名合長貧落交應久病休只君看
二仲知我業千秋明月懷中在逢人未肯投

李應昇 五首

應昇字仲達江陰人萬曆丙辰進士除南康推官擢
福建道御史死璫禍崇禎初贈太僕卿福王時追諡
忠毅有落落齋遺稿十卷

萬曰吉東有堂集仲達先生英氣烈魄照耀卷冊忠
孝之血隨地涌瀉睢陽聞笛之篇少保北伐之詠化
碧流丹千年一轍
陳瑚離菴集忠毅服官之日不名一錢情不離山水
口不忘忠孝其游白鹿洞詩云至理悟消息達士直
云靖公平日之澹泊甯靜所以養其剛大之氣者為
何如而世之稱公者但知其蟬蛻汗泥爭光日月而
不言其樹立之有本蓄積之有素則亦耳食目論者
之為見矣
靜志居詩話王紹徽東林點將錄阮大鍼名亦與焉

太鍼初與李忠毅魏忠節相善及忠節補吏垣大鍼
疑忠節有意逐之遂結傅魁黨於魏監忠毅猶憶舊
交貽之書云昔正叔于瞻一生樹敵到底同鑄黨籍
之名若使蔡確之徒欲分收一人以去二君子必不
願也可和可爭必不受小人之攀援斯君子之品乃
見而大鍼既投瑞幕者已絕於諸君子矣及忠毅被
逮於檻車賦詩云細數知交在道遙各一方魏齊方
睥睨阮籍亦猖狂形影悲相弔音書夢已荒古人不
可作搔首問蒼蒼抑何其忠厚之深也魏齊指嘗熟
魏浣初阮籍則指大鍼其後居南京諸生顧杲等一
百四十八人草檄討之既而附馬士英得志導之重翻
三案誅錮正人僉王之反覆直同鬼域雖有詠懷堂
詩吾不屑錄之也已

潯陽姚司李以遷行小詩送之

姚子澹蕩人腰折江州吏文移挂笏了放衙理幽事慷慨發
高歌蕭靜領孤意君說返故園小草甘獨寐酌酒試問君母
乃五鬼崇君曰心悠哉寒魚不可餌歎息送君行張翰今誰

丹陽道中

已作冥鴻計誰知是僂民雷霆驚下土風雨泣孤臣憂患思
賢聖艱難累老親生還吾敢望解網頌湯仁

顧山樓山茶次前人韻

何年嘉樹老空谷古榦摧謝孫枝高寒碧霜棱伴幽桂爛紅
春色凌天挑夕陽對酒豔歌發快閣題詩白筆揀天與青山
間作主山僧且莫厭煩遭

白下送友歸吳門

秋風催落葉凋悵送君行別思知何許江濤夜夜聲

書驛亭壁方壽州詩後

君憐幼子呱呱泣我為高堂步步思最是臨風淒切處壁間
俱是斷腸詩

棗林雜俎天啟初壽州御史方震孺被逮題滕陽驛
壁品兒一月才三日懷裏呱呱別乃翁若使長成能
問父阿兄向北指悲風丙寅江陰御史李應昇亦被
逮過之題云崇禎戊辰武進鄒嘉生復官備兵海
上南還飯滕陽驛見壁間方氏新題宛然而仲達詩
重去矣因系以詩荒庭樹禿條霜碑有客巡檐淚獨
垂碧血已酬忠孝志紗籠獨見死生歧六歌兒女情
偏至十死君臣義不移豈為姓名甘鼎鑊千秋巡遠
自心知

萬燦一首

燦字聞夫新建人萬曆丙辰進士除刑部主事改工
部歷員外進郎中以劾魏忠賢被杖死崇禎初贈光
祿卿福王時追諡忠貞有元對齋集

靜志居詩話天啟中許魏瑞慘死者先後一十七人
 萬公首受其禍公初任營繕主事轉屯田郎先管實
 源局而陵工其職掌也因內官監廢銅不發疏言其
 姦謂珠玉盈笥金銀滿屋何欲不遂願此廢爛銅器
 無以操天下之利權既操天下之利權不難斃天下
 無政權十輩以窺其微矣疏入矯旨於午門杖一百
 奄人擊錐刺胸四日而殞李忠毅上言曰爆死矣未
 報國恩先填溝壑六尺之孤繞膝八旬之母倚闥旅
 於無歸游魂懸閣臣僚飲泣道路嗟然共知非出
 德負殺諫臣之名豈所以作忠勸士哉夫入臣緘口
 以待遷厚利也危官以招戮實禍也身死而天下悲
 其忠虛名也舍保身家榮妻孥之計博此虛名飢不
 可食寒不可衣將焉用之況乎傷殘父母之遺體以
 從龍比於九京人非僕隸法非訊囚罪至死刑命非
 草芥廷杖之舉殊失士心直俟公論明而血死錄孤
 嗟何及矣被旨以瀆擾詰責蓋自公死忠賢知外廷
 之無奈彼何由是鈞黨之獄興而縉紳之禍烈矣
 田按董思伯有送萬元白工部歸洪都詩黃真長有
 送萬元白詩使元白杖後四日即死安得有送行之

作耶考樊玉衡萬元白行狀云萬歷四年六月十六
 日被杖七月七日乃卒竹垞詩話與明史所謂越四
 日即卒均失考

次荏平

駐馬荏平逢重九鞠花黃白向人開居停不是東籬下那得

白衣送酒來

黃尊素

尊素字真長餘姚人萬曆丙辰進士除甯國推官徵

授御史死璫禍崇禎初贈太僕卿福王時追諡忠端

有集

送萬元白

邊境有梟社有鼠國是紛麻何所底或為借劍或請纓書生

分內應如此有友貌癯膽自雄直披闔闔追龍逢文章不回
 明主意孤臣洒血向誰通當時朝上夕被拘大小宮豎嘯通
 衢青天颯然白日淡衣冠奪氣惟長吁闔宦已自飽雞肋天
 威不霽敢悚息杖下猶知呼先皇忠肝尚能通紫極紫極淨
 雲有時開先皇遺澤正堪哀吾今送子及新秋君恩曠蕩不
 更裘欲贈龍泉勤拂拭相看留斬佞臣頭

田接元白受杖後二十餘日乃死此當是其未死時
 送其還鄉詩也史稱越四日即卒失考

明詩紀事

賈陽陳 田輯

庚籤

董其昌 六首

其昌字玄宰華亭人萬曆己丑進士改庶吉士授編
 修出為湖廣副使乞歸起山東副使河南參政不赴
 召拜太常少卿擢本寺卿進禮部侍郎拜南禮部尚
 書告歸起故官掌詹事府事加太子太保致仕贈太
 子太傅福王時諡文敏有容臺文集九卷詩集四卷

別集四卷

容臺集余嘗與趙文敏較各有長短行間茂密千字
 一同吾不如趙若臨做歷代趙得其十一吾得其十

七又趙書因熟得俗態吾書因生得秀色吾書往往
 率意當吾作意趙書亦輸一籌第作意者少耳余畫
 與文太史較各有短長文之精工具體吾所不如至
 於古雅秀潤更進一籌
 李日華恬致堂集董宗伯喜以翰墨到處結緣晚年
 行草灑落終日不停腕若墨戲則雖片紙未易得
 請董於繪事宿有重名又當其祕惜時得者應作干
 黃金想也
 玉劍尊間董立宰揮豪楮素簇簇如行蠶閃閃如迅
 霆飛電
 畫史會要立宰山水樹石煙雲流潤神氣具足風流
 蘊藉推為本朝第一寫秋山圖自題云秋日樹蕭瑟
 秋山殊不貧丹楓與黃葉往往媚遊人
 列朝詩集立宰天姿高秀書畫妙天下和易近人不
 為崖岸庸夫俗子皆得至其前臨池染翰揮酒移日
 最矜慎其畫貴人巨公鄭重請乞者多倩他人應之
 或點染已就僮奴以廣筆相易亦欣然為題署都不
 計也家多姬侍各具絹素索畫稍倦色則謠詠繼
 之購其真蹟者得之閨房者為多精賞鑒通禪理蕭
 閒吐納終日無一俗語米元章趙子昂一流入也
 無聲詩史宗伯書無所不仿最得意在小楷而懶於
 拈筆但以行草行世亦多非作意書當其合處直可

追蹤晉魏畫仿北苑巨然千里松雪大癡山樵雲林
 精研六法結嶽融川氣韻生動得於自然所謂雲峯
 石迹迴出天機筆意縱橫參乎造化者也
 暉格甌香館集一峯老人為勝國諸賢之冠後惟沈
 啟南得其蒼渾董雲間得其秀潤
 孫承澤庚子消夏記文敏晚年之筆全用北苑法絕
 不蹈元人一筆一畫矣
 張照天瓶齋題跋香光居士筆意冲夷高遠躡唐人
 之庭而入其室充以後書壇四百年執牛耳有以也
 山靜居畫論畫禪法自董巨倪黃能師其意而不逐
 其迹用墨之妙尤為獨詣
 靜志居詩話趙承旨諡文敏尚書亦諡文敏兩公書
 畫差足相當董詩差不如趙鷗波之亭戲鴻之堂風
 流弘長一也
 田按文敏書畫集大成完明一代已殘之局開國
 朝之先聲四王吳惲首推煙客即文敏指授者也
 國初書家無不學董者集中小詩題畫亦楚楚有致

自畫吾松小崑山

崑山雖婉變卻似魯家邱故作廬峯勢青天瀑布流

長松高士圖

虬松繡青銅峭壁立積鐵下有逃虛人長嘯空山裂

題畫

幽人茶竈煙每與宿雲亂憑軒望所思春潮渺無岸

酬黃侍御

疏露微雲落葉前新詩格外倍清妍涪翁句法依然在管領
家風五百年

畫家霜景與煙景消亂余未有以易也丁酉冬燕山道

上乃始悟之題詩驛樓

曉角寒聲散柳隄千林雪色亞枝低行人不到邯鄲道一種
煙霜也自迷

題倪雲林畫

洞天深靚祕清都彷彿羣真在玉壺若個丹青能幻出倪迂

端勝米於菟

李日華 十一首

日華字君實嘉興人萬曆壬辰進士除九江推官謫

汝州判官遷西華知縣以憂歸起南禮部主事乞歸

起北禮部主事未赴進尚寶司丞遷太僕少卿有恬

致堂集四十卷竹懶畫媵二卷續畫媵一卷薊旋錄

一卷

六硯齋二筆每歲蓮出透水未及葉際為驟雨所淋
輒中天余出新意翦荷葉線縫之作兜鍪狀名曰蓮
笠雨前遍覆之良有濟也戲詠之曰欲展凌波步先
為行雨裝摩羅深覆額擁髻悄藏香莫倚傾珠蓋應

同裏玉囊自憐嬌小甚脈脈待恩光
竹懶畫媵余繪事萬不足稱然有留意者亦頗溺之
嘗有題句云畫成未擬人將去茶熟香温且自看亦
可笑也
紫桃軒又綴宋司馬待制行色詩云冷於陂水淡於
秋遠陌初窮到渡頭賴是丹青無畫處畫成應遣一
生愁人皆賞其描抹余亦有送人江上去我登江上
而落句不得不推及之詩云故人江上去我登江上
樓江雨花片雨灑灑送行舟棹入蘼蕪際望窮煙樹
頭盈盈一段意畫出使人愁
列朝詩集君實和易安雅恬於仕進後先家食二十
餘年能書畫善賞鑒一時士大夫風流嚮雅好古博
物者祥符王損仲雲間董立宰為最君實書畫亞於
立宰博雅亞於損仲而微兼二公之長落落穆穆韻
度頹然可謂名士矣君實嘗書其畫媵曰白石翁詩
沈卓雄快直闖杜陵營壘間奪其兵符俯視一時作
者不堪偏裨位置乃其詩多於所作墨戲林巒樹石
花鳥蟲魚間見之片語挑焰生動躍然石翁澹於取
名無意傳其詩而詩與畫皆盛傳是翁之詩以畫壽
非以畫掩也此君實寄託之語然其論白石翁之詩
亦可謂之具眼矣
無聲詩史君實著述甚富工於詩妙於書精於畫所

著紫桃軒雜綴及畫媵諸編文雖小品自足供藝林
幽賞

靜志居詩話太僕恬淡自持居官日淺優游田里以
法書名畫自娛家近春波橋為吳仲圭舊里暇寫墨
竹兼擅雲山其詩非選非唐別裁風格頗與王辰玉
陳仲醇同流微尚纖豔近家宴集語
山靜居畫論竹懶道人畫仗其詩以發妙意可謂夙
世詞客前身畫師
田按君實墨戲不多見觀六硯齋筆記紫桃軒雜綴
論書論畫自是通品小詩跌宕風流由其性情通脫
人品高妙故吐屬不凡雖時近俳體亦玩世之一端
也余讀其藹旋錄云天啟中接除書補北膳司俄晉
璽丞趨命受事五閱月培饒日熾士大夫懦者染儒
強者推折丞覓差以出此可為處亂世之前鑒也

題沈石田溪閣圖

虛閣延朝爽高梧翻畫涼流觀廬岳記箋釋漢宮香雲影落
懷好山情對酒長秋來多秀句門外是瀟湘

秋日獨坐懷南湖醉游

秋雨淡無色高梧翻畫陰烏來窺散帙客到罷彈琴世態交
游見風期山水深湖南好風月夢裡亦追尋

贈當湖何澹寰二尹

彭澤人

君別五株柳來分半縣花押奇雲作判廚冷雪供茶束帶了
公事開尊玩物華家傳水曹句高詠入青霞

伏日寫子久溪山秋意

秋山晴露骨木葉正蕭騷日暮牛羊下天空雁鷺高村墟遙
隔龍浦激曲通濠採藥栖真者塵名自可逃

題畫竹

石壁霜雪氣竹枝風雨聲六月虛堂夢騎龍到赤城

題畫

黃葉滿秋山白浪迷秋浦門前一痕沙白鷗近可數

中秋後二日做梅道人筆意

木葉陰多漁繫艇蘆花風急雁低行相逢恐是玄真子一縷
茶煙繞筆牀

贈張都督

花月秦淮嘯詠高海波痕漬在征袍嫋姚雙鬢青如許醉擁
吳姬看寶刀

題畫

樹交陰處坐斜曛爲有風泉隔嶺聞家在前峯孤絕處半床
落葉半床雲

題寫梅石

珊瑚橫斜海波涸風吹乾雲高崖粵玉妃訴冷出珠宮一鳥
忽嗚山月落

舟中題畫

孤亭芳草悵天涯鷺羽新波鴨嘴沙積雨春寒難破遣似聞
消息到梨花

邢侗 七首

侗字子愿臨邑人萬曆甲戌進士除南宮知縣徵授

御史出為湖廣參議遷陝西行太僕少卿有來禽館

集二十九卷

大泌山房集少卿書法鍾王虞褚顛米禿素而深得
右軍神體極為海內所珍內豎以字扇進覽上欣賞
命女史學其書邢司馬平倭至高句麗有李狀元妻
託致意于愿願為弟子朱宗伯出使從人適攜其字

二幅購之黃金同價琉球使者入貢願小留買邢書

去列朝詩集子愿先世席資鉅萬美田宅甲泚水上子

愿築來禽館在古稔邱上讀書識字焚香掃地不問

家人生產四方賓客造門戶履恒滿減產奉客酒鎗

簪珥時時在質庫中晚年書名益重購請填咽碑版

照四裔妹慈靜善仿兄書家僮戴祿亦通六書之學

同里王尚書洽集子愿書刻來禽館帖濟南風流文

彩幾與江左文董先後照映

無聲詩史子愿臨池之學規摹二王筆花娟潤如時

女步春秀骨楚楚間寫文石亦藝林片玉也

圖畫寶鑑續纂侗善作荆草拳石筆之古秀煙潤庸

史孰能及焉
靜志居詩話子愿雖詩名為書法所掩其言曰詩盛
於嘉隆七子以為盡詞人之變矣然效趨者高趾促
柱者急張往往不病而呻吟匪樂而強笑江河日下
七子之盛七子之衰也蓋深中時流之弊特其自撰
不見脫穎耳
山左明詩鈔來禽館詩氣體清逸風神隱秀漁洋山
人云來禽夫子本神情非虛語也
田按子愿詩神清體弱能張書苑不足以踞騷壇以
較立宰諸詩差為過之

寄李本甫

春色濃如許梁園歌落梅晚風將笛韻吹度九河來我夢香
梁月君情深楚臺兩鄉常好在滄海涸為杯

端月送陳東父之陽邱謁董明府

若榴朝泛酒送子出重關問渡大清水逢人小朗山南風吹
憶夢赤日著愁顏莫忘并州路期君楓葉斑

吊宋叟

二首

僑寓江陵日徐陵作郡年重來滄海上依舊孝廉船醉謁松
枝雪狂吟桂樹篇浮生無住著騎蕩白雲天

憶別來禽館曾言葬汨羅落花留且住芳草奈君何吊死文

姬怨山人蕊生蕊露歌茫茫江水濶應比淚痕多

走筆戲贈萬伯修使君

五花胡馬鸚鵡裘夜獵歸來興未休教唱西涼新樂府一時

霜月遍幽州

題管夫人山樓繡佛圖

竹繞層樓罽網蛛絲絲縷縷貌曇瞿劬來素面流輕粉尚衣

羊肝半臂無

池北偶談祁縣戴楓仲藏管夫人道昇小畫幀有細書十字云山迴新綺閣竹掩舊朱門邢子愿太僕有詩云云

乞趙司徒竹

北人不識篋管種我有渭川常滿胸趙家亭子分千箇明歲
應來看籜龍

烈來王恩在

三首

庚鑑卷七

七

思任字季重紹興山陰人萬歷乙未進士除興平知

縣改當塗青浦遷袁州推官徵授南刑部主事改工

部歷郎中出為江西僉事魯王時除禮部侍郎兼翰

林學士有遊園擬存律陶廬遊詠

列朝詩集季重有儁才居官通脫自放不事名檢性好諛浪居恆與狎客縱酒談笑大曠遇達官大吏疏放絕倒不能自禁好以談諧為文做大明律製奕律吾以為必傳枚舉郭舍人之流也亂後踉蹌避兵猶負一棋局以往遂死於山中季重為詩才情爛熳無復持擇入鬼入魔惡道全出鍾譚之外又一旁派也靜志居詩話季重滑稽太甚有傷大雅無聲詩史季重好為古文詞前滌塵秕務臻險秀東南髦俊推為風雅宗盟出其藻思寫山水林屋皴染滄鬱超然筆墨之外猶記其評天台云孤月洞庭正爾寂然忽有天山萬里一夜飛來又云恍忽幽玄不不記何代片時坐對人化為碧觀此數語則季重之

畫不遠矣

田按季重詩揚竟陵之餘波如入幻國詭變莫窮如遊深山魑魅出現真亡國之音也閱竟避園擬存惟于忠肅墓社稷留還我頭顱擲與君二語差堪把玩耳廬遊詩稍近人錄三首

門家堰夜泊

一葉滄江上錢塘已曙開不知幾信宿仍復此徘徊山色天

邊盡鷄聲潮裏來榜人緣底事風起喚帆催

泊篠簕

篠簕何年埠維牽十數楫人家藏曲岸古渡喚斜陽水緩辭

春力田礪領芋秧土風雖樸易王粲只思鄉

宿怡雲閣

復陶重擁覺仍單一枕溪聲落萬灘怪絕天雞無唱處客星

庚鑑卷七

八

已犯斗牛寒

胡宗仁 二首

宗仁字長白一字彭舉上元人有知載齋集

隱秀軒集彭舉諸體詩輕重古今出沒正變有王孟

之致畫幽澹蕭遠多人外之趣

懶真草堂集彭舉工詩善草隸圖畫其詩寤寐古人

而不為影襲往往率胸懷出之清奇澹宕不染世緇

氛

嶽歸堂集彭舉年六十餘坐起一齋藤垣苔室冲然

無慮然未免為人作畫緣飾於雲林大癡叔明間而

疏疏自運居然有逸士之度彭舉之詩老枝少葉自

寫其質性之所近則自吾數人外誠莫有知之者

露書彭舉詩如空山泉落薄晚霞明

列朝詩集彭舉隱於冶城山下生而偉壯美髯晚年

衲衣拄杖反手徐步鬚髯從風飄颻人皆目為神仙

喜談論作畫師雲林子久本富家子老而食貧不謁

時貴嘗詠唐六如詩閑來自寫青山賣不使人間作

業錢殊自得也有詩二千餘首鍾伯敬為論定余見

其手稿每自誇其寒星徹夜疏明月為我至以為神

來之句亦可見其清意也

讀畫錄長白畫自文武峯伯仁來晚出入王叔明黃

子久二家其筆意古質頗有五代以前氣象八分書

學禮器碑無一點俗態長白畫所傳最少余與其姪

元潤交廿年冊中僅得二幅當時矜貴可知矣長白

與伯敬札子云寒門諸子弟皆學畫華門畫掩茗椀

爐香間閣筆盈案妄擬堆笏滿床昔人一門五貴七

葉蟬聯想如是耶公聞之得無噴飯詩極為竟陵所

賞如花落竹堂靜煙消石屋空殘月半窗白寒星徹

夜疏水帶寒月孤村幕夕烟貧惟尊酒在詩豈眾

人傳人從淺水過路向半山通岸楓紅隱寺湖水碧

連山渚雲乍去猶拖水山月初生不過林皆詩中畫

也惜無力板行

靜志居詩話彭舉詩頗清真

閒居寄友

家住青溪曲春深花竹迷君來不相問直過石梁西屋壁峯

陰合門籬槿葉齊蕭然半迂事課水灌園畦

春晚喜晴

高樹風流欲散陰坐來爽氣漸能深
渚雲乍去猶拖水山月初生不過林
有鶴日閒眠古石無人時到抱清琴
明朝雙屐尋芳去花鴨乘春看翠岑

米萬鍾一首

萬鍾字仲詔錦衣衛人萬曆乙未進士
除永甯知縣改銅梁六合徵授大理評事
遷戶部主事歷員外改工部進郎中出
為浙江參政歷江西副使山東參政以
忤魏瑞削籍崇禎初起太僕少卿有澄澹
堂文集

十二卷詩集十二卷

書史會要仲詔行草得南宮家法筆更沈古與華亭董太史齊名時有南董北米之目九善署書擅名四十年書蹟滿天下獨不為權貴作一字魏瑞時嚴拒其請卒罹黨禍不恤其高勁如此

畫史會要太僕性好奇石羅致不遠數千里人號友石先生著有石史十六卷寫硯山向背巖壑無不精具皴擢極幽秀殆舉筆而思可傳者山水得倪迂法花卉似陳伯陽

無聲詩史友石繪事楷模北宋以前施為巧瞻位置淵深不作殘山剩水觀蓋與中翰吳彬朝夕探討故體裁相彷彿焉

孫承澤春明夢餘錄古雲山房米太僕萬鍾之居也太僕好奇石蓄置其中其最著者為非石數峯孤

聳儼然小九子也又一黃石高四尺通體玲瓏光潤如玉一青石高七尺形如片雲欲墮後刻元符元年

二月丙申米芾題又有泗濱浮玉四篆字太僕嘗以所蓄石令閩人吳文仲繪為一卷董元宰李本甯嘗

為之題古詩今好石者自襄陽後人趣稱太僕云靜志居詩話先生為水曹郎築園海澱之北中有色

空天太一葉松塔翠葆樹林於滋總名之曰勺園又曰風煙里自念園在郊關不能日涉因繪園中景為

燈即壑亭臺纖悉具備都人爭向之號曰米家燈嘗於元夜集客賦詩麗水呂太常邦耀即席口占二首

其一云玉綃疊出上元村雙炬懸來景物繁恍惚重游邱壑裏米家燈是米家園其二云輕舟寒夜渡無

冰波入銀綃訝月升宛似夢中曾一照米家園是米

豕燈一時和者數百人列成一集可稱好事亦太平佳話也

漫園初成

紀勝無勞出郭輿卧遊眺聽日堪書嵐衝石髮紫山帶梵挾
松弦韻木魚狎主風煙俱老大慣親鷗鳥獨迂疏偶從圖書
新摹得疑向江鄉乍卜居

魏之璜一首

之璜字考叔上元人

畫史會要之璜寫山水不襲粉本自翔規制巖壑樹石特標靈異晚用濃墨突筆意貴蒼老稍輸風韻列朝詩集考叔起孤貧業丹青以糊口少不知書因備書通寫文義遂能為詩清迥絕俗而不以詩名以畫掩也

冬夜同陳康侯秦京集畢康侯樓

不憚通宵坐因思聚首難簾疏霜氣薄燭短漏聲殘載見一
同老相逢各盡歡殷勤今夜酒莫使後期寒

莫是龍六首

是龍字雲卿以字行更字廷韓松江華亭人以諸生
貢入國學有石秀齋集十卷

藝苑卮言是龍小楷精工過於婉媚行草豪逸有態何三畏漱六齋集廷韓於詩宗唐語語煙霞於書法無所不窺而獨宗羲獻宗米小楷宗鍾繇於畫宗黃大痴極意做摹不輕落筆點染成幅人爭購之列朝詩集廷韓有才情風姿玉立少謁王道思於道思贈詩云風流絕世美何如一片瑤枝出樹初畫舫夜吟令客駐練裙畫卧有人書其風致可想也廷韓妙於書法常作送春賦手自繕寫詞翰清麗皇甫子循王元美皆激賞之靜志居詩話廷韓詩書法皆不見出羣五律稍勝唐孫華東江文集廷韓詩華贍敏給刻燭擊盃操觚立成

田按廷韓作畫必坐密室染就不令左右賓友知之
及工甚乃出以視人故流傳甚少詩長於五言而七
言散漫無神采亦才有偏勝也

美人愁鏡

翠樓久不開明妝寶鏡出匣無輝光春風吹濕春山黛暗損
紅顏破花態當年妾有如花姿今日花枝非舊時落花不解
傷春去鏡裏春愁妾自知

溪山草堂偶成

眺望郊原外悠然遠俗襟逕荒苔蘚合門掩薜蘿深花氣侵
虛幄川光動隔林江鷗莫相畏我已息機心

題寫經菴

小築招提隱弘標卓朗風珠林間龍象金簡映魚蟲翰墨春

雲外湖山夕照中不須離五濁卽此悟三空

送顏別駕之江州

因看佩刀色慘澹惜離羣一騎侵殘雪千峯出亂雲到官山
水郡問俗楚吳分容易論傾蓋天涯又別君

妓館送客

南國送歸人帆前又暮春還家江草綠埽徑落花新金谷當
年樹武陵何處津更憐爭畔語小婦是西秦

訪徐文卿園居

舊隱竹西頭青春事事幽日高猶謝客花落始關愁揮手平
原飲行歌楚澤游還嫌近城郭早晚託漁舟

鄒迪光 四首

迪光字彥吉無錫人萬曆甲戌進士除工部主事歷
員外郎中出為黃州知府遷福建副使左遷浙江僉
事改湖廣有鷓鴣稿玄嶽遊屨提齋鬱儀樓始青閣

石語齋調象菴等集

列朝詩集隆萬間王弇州主文章之盟海內奔走歛
服弇州沒雲杜回翔羈宦由拳潦倒薄游臨川疏迹
江外於是彥吉與雲間馮元成乘間而起思狎主晉
楚之盟長卿游戲推之義仍亦漫浪應之二公互相
推長有唐公見推之喜彥吉沾沾自負累見於詞章
而又排詆公安并臧眉山力為弇州護法蓋欲堅其
壇墀以為後山辨香之地則尤可一笑也長卿通脫
多可而少怪義仍孤峭心薄王李鄙其尸盟次睚眦
社朱弓之祥歸於不知何人頷之而已非其所屑意
也二公晚交於余而義仍亦有微詞相聞并及雲杜
詞壇爭長等於蠻觸今皆成往劫事矣彥吉之詩優
於元成點綴風雅亦復可觀
畫史會要彥吉寫山水脫盡時格一樹一石必求精
妙蓋力追宋元人之用心也

無聲詩史彥吉著述之暇出其緒餘以染緇素咄咄
大小米倪黃間
靜志居詩話彥吉詩材庸熟望而生憎絕句差清婉
可誦

田按弇州序彥吉屢提齋詩頗致推挹又收之四十
子之列弇州喜人附和故不惜齒牙餘論彥吉遽欲
繼其壇坫無怪虞山之日笑存之也

愚公谷雨後觀泉

雨腳一淋漓水勢遂縱送風泉互勞攘水石兩倥傯歷堰曾
幾何為壑固已眾有時傳立車鎮日漢叟獲但聆雷霆聲誰
辨人語闕枕漱良在茲生涯寄巖洞

春申澗第一曲

從二泉亭西折入陜道古木數株斲靄躡蔚梳風颭
瀏凡二百武許而得余園門之榜曰愚谷入門有一

亭據水口是爲春申澗第一曲澗所從注不大猛厲而引入吾園則甚怒張當其洶湧時直躍亭額而過之

移山力旣殫決流勢且厲爲水一衣帶居然千里勢水石兩排盪響似雲中遞春申不可卽臨流嘆川逝

澱澱亭

澗自一曲而下如建瓴然凡爲障者七而此其一也亭其上曰澱澱雨過泉走亭下鼓唇溯清飛洒人面政所謂澱澱不絕流爲江河也

厓陳立石聳虹梁架其間羣甍紛下踞昂首欲奮騫潰沫散飛霰震霆鼓青天汨汨一何駛澱澱使之然

塔照亭

頻伽嶺上有亭名塔照凡三楹九龍爲辰錫山作案下有方塘含青受綠錫山木樹駢羅密不見體一塔從中擎出僅得四層陽烏西匿返照注射作黃金色是吾園最勝處

後峯極岩巒而嶺復秀整嶺樹蔚以蒼儼然設畫屏浮屠從中出白雲爲頂領返照注射之大地琉璃影

曹履吉

一首

履吉字元甫當塗人萬曆丙辰進士授戶部主事歷員外郎中出爲河南僉事遷參議擢光祿少卿有梅望山人漁山堂攜謝閣青在堂辰文閣等集

畫史會要履吉山水師倪元鎮筆力高雅評者有玉
韻潔水清之語真逸格中第一人也詩字亦有唐晉逸

藏雲晚步

淺深叢綠隱僧迦過雨新泉出徑斜獨倚山門看歸鳥幾羣
揉落白桐花

將出都為戴魯生作小景

京塵何似故江鄉近岫高林列幾行寫到淩歛溪曲處一天
秋雨打西窗

黃克晦 五首

克晦字孔昭惠安人有吾野詩集五卷

閩書孔昭家貧學畫復肆力為詩畫筆蒼勁閉戶經
月成者尤可傳世

筆精孔昭詩清峭絕塵其他秀句不可殫述如得酒
有時還罵坐遊山無處不依僧老知白壁投人暗貧
笑黃金結客稀客中良晤秋三五水底青天月一雙
江湖結客名終在風雨還家夢未真水帶平蕪雙鳥
下雲連遠寺一僧歸語話新俊可喜
靜志居詩話孔昭金陵流菜張仲立刊之西山倡和
編李于美定之金臺詩校登卿鏞之登卿稱其古風
天籟自鳴近體森然紀律青溪社集諸公允當推為
祭酒

田按孔昭詩才清拔畫不多見

惠陽傷亂

東粵重來倍黯然荒村古堡暗蒼煙山中故老無歸業水上
新民未種田江燕春深巢樹腹野狐日落吠溪邊東風那管
亂離事草色藤花似往年

海珠寺

十載珠江又一樽涼風萬里灑江門客談遺事猶能記僧恨

留題已不存
隱色未沈天
外樹月光欲動水
邊村孤亭坐久
人聲絕明滅
漁燈兩岸昏

寒夜憶張星湖

蒹葭霜落夜迢迢
江水無風也自搖
正憶高樓坐逋客
時聞險語出層霄
隔橋人語三家市
近浦雞聲半夜潮
新酒滿樽懷我否
可無白鶴一相招

桃溪夜泊

清霜夜落武陵溪
水上蒼煙十丈齊
野爨冷燒紅葉火
村舂寒接五更雞
不眠枕上多新得
所過山中有舊題
記問人家沽酒處
人家只在小橋西

夜宿陳爾昭竹溪山館得西字

迴磴斷橋山日西
高楓葉赤飛滿蹊
一家村巷到始覺
千樹花源行轉迷
野夫欺虎度林黑
沙鳥隨人穿竹低
欲移衾枕抱雲宿
月白天雞空裏題

宋珏一首

珏字比玉莆田人國子生有宋比玉遺稿

宋珏荔支譜子與周大郎嘗荔支酒詩云釀得荔支酒
泥頭為汝開香風繞屋散翠色
巖方花雪後梅一樹三贊嘆
列朝詩集比玉善八分書規
格斬然畫出入二米仲圭子
久不名一家為詩才情
爛漫信腕疾書不加持擇
無聲詩史比玉寫山水及喬
柯文石行筆雄秀兼善
臨池

漁洋詩話比玉善八分而小詩亦工嘗記其一絕云
來時梅瘦未成花別後垂楊金作芽他日相思如見
畫板橋西望是吾家
陸時化吳越所見書畫錄比玉少為諸生負笈入太

學性好遊不歸故里寓於武林金陵吳門爲人志意高廣以文章爲心腑以朋友爲骨肉以都會爲第宅以山水爲園林以詩賦爲職業以翰墨爲娛戲善八分畫不名一家好爲詩縱橫穿穴信手爲之田按比玉讀金陵俞仲髦荔枝辭戲作有孫樵哀城驛題壁遺意

讀金陵俞仲髦荔枝辭戲作五十四韻

俞公晚好事垂涎及荔枝願貶楓亭驛甘作驛丞卑妄意荔熟日端坐飽噉之事有謬不然傾耳聽我詞楓亭闕孔道迎送無停時漳泉貴宦多暑行喜夜馳東迎接不及南送已嫌遲炎天夫馬缺每被豪奴答此亦丞常分受辱其所宜及至荔枝熟苦情公不知驛庭只四樹樹老半枯枝每歲貢上官皆派丞往齋歲有熟不熟上官循舊規十萬獻撫按百萬分三司四郡大鄉官例亦有餽遺張家餘數擔李家復挪移封

緘青籠內渡江敢辭危伺候烈日中暈死敢言疲門吏急使用乃得進丹墀不然香氣變色味復差池小則受筆楚大則冠袍褫上官幸色喜歸見妻怒荔枝有此苦誰說甜如飴公思噉尤物一事頗燥脾莆多荔枝園園丁健可爲五月六月交朱實已纍纍販子已採摘園丁不暫離中搭四柱樓夜以防偷兒園丁臥樓中兩手如懸槌珊瑚爲我幄碧玉爲我帷園林悄無人惟有涼月窺伸手即可摘摘食復奚疑飽即捫腹卧恬若陳希夷既不費金錢又無人把持清福如此享神仙亦妬其家家亦有園宋香品最奇崔亭與鬯山霞墩及東陂陳紫比毛嬙江綠匹西施年年皆遍嘗題咏壁淋漓自署荔枝人不羨加太師無端客鍾陵十載滯歸期荔枝熟必入

夢醒來空嗟咨無罪坐自囚無官反自羈言梅甯止渴說餅
豈療飢清福不得享作計無乃癡昨爲人寫生費墨及胭脂
今復弄紙筆揮汗作此詩詩以嘲俞公因之以自噴

盛時泰 七首

時泰字仲交上元人貢生有大城山堂集六十八卷

顧起元懶真草堂集時泰畫竹石枯木蒼然映人
烏衣佳話雲浦盛仲交有逸才有妙賞博學多聞落
筆成詩文不煩點定枯木竹石可亂元鎮真迹
金陵瑣事吳中黃涓甫與姚元白盛仲交在竹素山
房擁爐分韻賦春雪仲交得韻點筆成詩涓甫索觀
仲交不與笑曰若先飲一卮迺可觀涓甫遂飲一卮
仲交詩云三冬寒始盡初陽氣尙微誰言大出後猶
作五花飛入柳驚棉早粘梅訝蕊肥座中同詠客誰
是謝元暉二君極喜頸聯之工
列朝詩集仲交才氣橫溢每有撰述祇筆伸紙溶溶
不休紙盡則已善畫水墨竹石居近西冶城家有小
軒文徵仲題曰蒼潤以仲交畫法倪迂沈啟南有筆

蹤要是存蒼潤畫法還應入有無之句也骯髒歷落
不問家人生產卜築於大城山中又愛方山祈澤之
勝咸有結構杖策跨驢欣然獨往家人莫能迹也嘗
爲子娶婦其婦戒勿他往薄暮友人邀往城南古寺
閱數日乃歸婦愠而詈之乾笑而已張肖甫開御史
臺於句容仲交大醉過懸鼓於戟門肖甫曰安得有
此狂生必盛仲交也邀入痛飲達旦而別萬曆改元
以陪貢入試吳下肖甫曰子過姑蘇必謁王元美仲
交遂攜所著兩都賦謁元美於小祇園元美贈之詩
曰遂令陸平原不敢賦三都
田按仲交畫師寶幢居士余嘗見仲交作寶幢居士
碑頗有六朝人標致律絕風調翩翩大篇殊乏精采
牧齋謂仲交擬古七十章三日而畢元美爲之氣奪
余謂太原公子見蚪髯公當不爾爾

吳崑麓蓄倪幼霞王叔明諸名畫雨中有懷奉東

隨軒犀軸在古墨黯生光京國風沙滿圖書意興長閉關耽
宴坐畏客自焚香若許鄰人見衝泥過講堂

次高郵

淮樹晴看小湖風晚覺腥臨流迷野燒隔岸見漁舸一棹浮
空入千山影翠行漸知南國近應緩別家情

同金子坤陪羣公登雨花臺

紺殿珠宮結駟行登臺共豁遠遊情林花雨霽雙峯出雲木
涼生一鳥鳴茶苑晡煙開樹色秦淮春水長潮聲卻因楚使
誇雲夢愧作諸生賦帝京

望凭虛閣外山色贈詹東圖因寄陳仲魚

春雲如黛點鍾陵湖水生波盡解冰幾處東風迴弱柳千岩
雨色潤垂簾香筵寶座初聞梵塔院蓮龕止試燈閣上莫辭
同醉酒望中原草漸層層

寒夕

春寒向夕劇下馬及邯鄲逢著娼家女琵琶帶笑彈

憶高常侍

隱身博徒中才名自能遠三日官封邱秋風意不淺

城山六言

微雨纔沾麥腳輒風剛報花枝田舍春光幾許江南上已臨
時

吳彬一首

彬字文中莆田人以善畫授中書舍人

五雜俎文中人物佛像遠卽不敢道子近亦足力敵

畫史會要吳彬山水布置絕不摹古最爲出奇

圖繪寶鑑續纂吳彬人物形狀奇怪迥別舊人自立
門戶白描尤佳筆端秀雅神宗稱賞之御府有藏外
傳甚少

無聲詩史文中畫法宋唐規格布景縵密傅采炳麗
雖棘猴玉楮不足喻其工也繪月令圖十二幅如
上元清明端午中秋重九之類每月各設一景結構
精微細人絲髮若移造化風候入節四時於楮素間
可謂極其能事矣佛像尤其所長雖以藝雄畫苑然
頗負氣節天啟間閱邸報於都門見魏璫擅權之旨
則批評而訾議之被遷者所偵逮繫削奪亦清流也
其畫品可頡頏下雲鵬亦間用篆款
蘭陔詩話文中精畫理神宗時入為供奉請乘傳入
蜀觀劍門峨眉之勝下筆益奇

秋山圖

草閣無塵秋正深客來款坐且閒吟煮茶旋掃山間葉時有
流泉漱玉琴

明詩紀事

貴陽陳田輯

庚籤下

陳繼儒 八首

繼儒字仲醇華亭人有眉公集六十卷

列朝詩集仲醇少為高才生與董玄宰王宸玉齊名
年未三十取儒衣冠焚棄之與徐生益孫結隱於小
崑山仲醇為人重然諾饒智畧精心深衷妙得老子
陰符之學東四王公雅重之兩家子弟如雲爭與
仲醇為友惟恐不得當也玄宰久居詞館書畫妙天
下推仲醇不去口海內以為董公所推也咸歸仲醇
而仲醇又能延招吳越間窮儒老宿隱約饑寒者使
之尋章摘句族分部居刺取其瑣言僻事薈成書
流傳遠邇款啟寡聞者爭購為枕中之秘於是眉公
之名傾動寰宇遠而夷酋土司咸向其詞章近而酒
樓茶館悉懸其畫像甚至窮鄉小邑鬻拒汝市鹽豉
者胥被以眉公之名無得免焉直指使者行部薦舉

無虛贖天子亦聞其名屢奉詔徵用年八十餘卒於
奈山之精舍自為遺令纖悉畢具歿後降乩詩句預
刻時日貯篋衍中其井井如此仲醕通明俊邁短章
小詞皆有風致智如炙醕用之不窮交遊顯貴接引
窮約茹吐軒輊具有條理以仲醕之才器早自推息
時命折除聲華淨動享高名食清福古稱通隱庶幾
近之玄纁物色章滿公車動以康齋白沙為比謂本
朝正史當虛席以待筆削耳食承謔斯固可為一笑
而一儒者必欲以經史淵源之學引繩切墨指摘
其空疏而糾正其驕駁亦豈通人之論哉小詩便娟
輕俊聊可裝點山林附庸風雅評隲仲醕者亦應作
如是觀

靜志居詩話仲醕以處士虛聲傾動朝野守令之臧
否由夫片言詩文之佳惡冀其一顧市骨董者如赴
畢良史推塲品書畫者必求張懷瓘估價肘有免園
之冊門闥鷺羽之車時無英雄互相矜飾甚至吳綾
越布皆被其名寵妾餅師爭呼其字今遺集具在未
免名不副其實焉

書史會要繼儒書法蘇長公故於蘇書雖斷簡殘碑
必極搜採手自摹刻之曰晚香堂帖
容臺集眉公胸中素具一邱壑雖草草潑墨而一種
蒼老之氣豈落吳下畫師恬俗魔境

田按眉公小詩頗有別趣鑒賞亦是當家至其虛名
傾動市朝孔稚圭所謂林慙澗愧者也

園居

一自謝塵鞅春風吹好顏鉤簾通白鳥隱几夢青山上客初
回駕門人莫掩關日斜桑柘外耕者正閑閑

贈秋潭僧

人與寒雲淡身如秋葉輕非關住禪寂兼欲遣詩名蘿月亂
潭影松風遞茗聲為憐苔蘚碧不敢下階行

花朝

美滿春眠起較遲五更常失地橋期愁添白髮餐雲母戲寫
青山付雪兒煖玉棋消千日酒冷金箋寫百花詩近來學得
長生訣一味賣猷兼賣癡

寄戚都護

一從銅虎出中朝坐見匈奴氣不驕表賜尙方新鞞鞞羽傳
西域舊驃姚比年大宛無留馬何處陰山有射鵬獵罷中原
賓客散閉門冰雪日蕭蕭

秋泛

太湖月出杳冥冥辨得漁蓑上釣船兩岸芙蓉一聲笛侍兒
新賜號樵青

贈山叟

有箇小屏松下開堂前蔬藥繞畦栽老翁抱孫不抱甕剛欲
灌花山雨來

題壽安寺壁

灌木陰陰殿角斜寺門一帶好人家春潮退後溪風急破網
無魚挂落花

梅花

小鬟清曉報花開無數梅花照鏡臺好揭紫絲新步幃紅兒
捧取綠珠來

郭造卿

五首

造卿字建初福清人諸生有海嶽山房存彙十五卷

陳勳元凱集建初詩曠遠閒逸歸於麗則田按建初遊戚元敬幕府燕史百卷客戚幕時作也五七言近體句鍊調穩猶是閩人成派

懷王觀洛宗堯

春風一別後伏枕兩驚秋客裏相思夢燈前獨寐愁詩成空

對酒興發但登樓何日攜孤劍從君洛下遊

懷族兄江北山人

歸舟江上憶蒹葭搖落懷人歲事賒遠道空囊猶作客暮雲
孤影更思家燈前夜雨催新酒門外秋風掃落花清夢幾迴
春草綠好將佳句寄天涯

同王仲房塞外贈別

憐君白首正悲秋萬里辭家出塞遊見道幕南空部落誰云
漠北是邊州寒城月白驚刁斗衰草雲黃隱戍樓偏憶江東
高卧處蒯緱為故人留

之金陵至建州寄懷諸子

客子孤裝向秣陵好懷無處不登臨青山已動高人興碧水

長流去國心劍浦春星辭淺瀨建溪夜雨宿荒林半生漂泊
應如此何處因風寄好音

甯德重陷志感

鼙鼓頻年客夢驚又聞羣盜陷孤城愁人掩淚看烽火野老
吞聲問死生羽檄幾回馳節鎮牙璋尙爾滯專征書生孤憤
思長劍一洗秋江萬里清

冒愈昌 十八首

愈昌字伯麀如皋人諸生有綠蕉館珠泉倦游鑾江
支提觀海玉蓮邗水長春園北里句曲靈鷲虎阜悼
亡淮南飛英半塘北山皖城平湖幽居等集

列朝詩集伯麀有時名負氣抗直為怨家所中浪跡
避地徧遊吳楚間作詩敏捷千言不草矯尾厲角舌

辯如懸河所至士大夫皆畏而禮之遊王元美吳明卿之門三公憐其才每為白其冤狀而伯麀稱詩奉二公為祖禰迄不少變萬歷末年抨擊七子者日眾伯麀恪守師說抗詞枝拄憤楚人之訾警至欲以身死之此可以一笑也

田按伯麀懷王元美詩云避仇來吳中始識弇州面華屋滿詞人涼風張廣燕一為白蓮詩擊節三致美殷勤念別離情見齊紈扇懷吳明卿詩云吳公千載人謂我買生繼數水蓋初傾邗關舟一繫郡守不好士載決金陵計昭雪雖未成感激常流涕蓋感恩知已之言集中五七言近體清圓流動不盡襲七子派也

聞恩悅二公同諸弟子登樓雪望卻寄

跌坐心堪了經行興不怪同攜木上座一望雪中老檜著花立饑鳥斂翼還蕭條聊送目意在有無間

燕山

戎馬方多事鯨鯢輒自驕風颿來日本羽檄動天朝一鼓聞

吞海先聲報渡遼聖躬宵旰甚欲遣霍嫫姚

自阜民鎮抵新壩

曙色何當啟明燈已借光倉皇忘櫛沐顛倒任衣裳菰米舟人飯芙蓉野客裝家園慈父在朝夕念垂堂

暮抵龍江關先寄李兆義張成倩於永慶寺

挂帆來百里日暮見金陵中有三山客同依六代僧竹聲清午夢松影護禪燈勝地應非遠思君轉不勝

同秦京遊沛園作

城隅日欲落共作名園期洞壑積秋氣林巒分夕姿遠心行縱目隨意坐題詩卻笑穆天子神空入極馳

夏日雨中逢萬殊上人於伏海寺

林中堪結夏物外一逢君涼意行微雨禪心指大雲談深山
茗進坐午殿鐘聞卻望吳門色新詩秀可分

無從先生約同李成白吳振之吳仲玉諸君萬松上人

齋會理公方丈

爲結廬山社相將問遠公藍輿如栗里清磬出花宮禪悅齋
廚供塵緣宴坐空食餘時送難響答總無窮

寄悅公義公于伏牛

數載分攜見未能伏牛天畔望峻嶒地鄰嵩室三花樹老謝
風流六代僧心印悟來同面壁言詮拋盡續傳燈從師最上
應無計僅向空門學小乘

移舟寒山訪趙凡夫因寄黃伯傳

高齋長是憶蕭蕭咫尺吳門晤轉遙未覓筍輿過木瀆先憑
蘭槩入楓橋望中巖岫紛如畫物外乾坤肯見招何肉周妻
緣總斷知君近已傍僧寮

送二如上人還山

送君孤棹早春還柳色初回未可攀千里寒潮連鐵甕十年
清夢落金山鳥窺香積朝聞法龍卧中冷晝掩關他夜相思
何處寄碧天煙樹有無間

晚坐

窮陰累日喜新晴晚坐空庭對月明百里書傳鄉夢破十年
心死世緣輕林中仙梵神魚響殿角微風老鶴鳴欲問前因
難可識將從有漏學無生

月夜同秀公從中禪寺後過山中尋君歿不值因集蓮
宇禪師丈室

明月高空引興濃
秋山深處一過從
橋通曲徑穿衰柳
人到雲堂起暮鐘
几上煙雲聊寂寞
燈前笑語自從容
相尋若恨輕相失
野鶴孤蓬豈定蹤

聞恩公修塔報恩

得句其如麗藻何
談經翻厭雨花多
年來老向長干寺
願發將修窳堵波
九品莊嚴安舍利
千層金碧映山河
遙看建業慈雲護
未及寒江一葦過

和南屏長老憶峩眉山作

南望峩眉豈易尋
出山猶憶在山深
冰輪半浸平羌影
雪色

長留五月陰
白帝城高通鳥道
青天淚落聽猿吟
亦知去住皆無著
野鶴孤雲萬里心

贈曹比部閻仲

曹彭澤人

畏途宦海纔涉隱
計家山欲成
試問曹邱長者何如彭澤先
生黔南萬里從事天
畔高樓望京今日聊同酒
伴他時好結詩盟

登靖海寺靈石閣寄孫孟陽玄亮兄弟

空江涵月白
層層望裏吳山人
夜登明日片帆煙
水闊真州回首是金陵

汪君夜過許我海棠信口占謝

何處春風著海棠
軍持無數倚紅妝
羈人枕上江南夢
纔說

看花夢已忘

訪周姬新宅

傲得新居席未温半通江市半江門他時白鷓舟相過好繫

門前柳樹根

簪景鳳 五首

景鳳字東圖休甯人隆慶丁卯舉人除南豐教諭改

翰林孔目遷吏部司務諭保甯教授有東圖集

書史會要景鳳深於書學用筆不凡如冠冕之士端莊可敬狂草若有神助變化百出不失古法論者謂可與祝京兆狎主

無聲詩史東圖草書奇偉長於墨竹

田按東圖集罕傳本余見劉喜海收藏鈔本云得自朱笥河家後附東圖元覽四卷東圖題跋云項元怵爲人鄙齋而所收物多有足觀者其中廣本亦半人從借觀驕矜自說好不休人或過之本欲觀其所藏

彼固珍祕不示意欲人先觀其詩詩殊未解乃亦強自說好冀人稱之強與說詩稱佳以順其意使之悅而乃盡發所藏又云項嘗謂余今天下誰具雙眼者王氏二美則瞎漢顧氏二汝眇視者爾唯文徵仲具雙眼則死已久意在欲余以雙眼稱之余顧徐徐答曰四海九州如此廣走未能盡見天下賢俊焉能盡識天下之眼項因言天下具眼惟足下與怵耳余笑曰卿眼自佳走則不忍謂已獨有雙眼自古文人相輕元怵之言如此錄之以發一笑

雪後夜飲清溪閣

日暮幽閣寒蕭然屏塵想雪深滅人蹤一溪神獨往當杯發

浩歌清韻散林莽長結孤舟翁終此逃名網

丁南羽畫山水歌

世人好畫不工畫思向人前權毫末含毫那有好懷生嘖嘖
競將雙耳聒丁生傲兀思離奇登樓十日眾不知科頭獨坐

青松古坦腹空山白日遲興來大噉忽高踞援筆煥赫生風
兩千里移來屋壁看江山杳靄知何處既似輞川陰陰夏日
居又似漢陽歷歷晴川樹我識此圖千秋定有神好之恨未
去作畫中人爲爾駐視停玉笋使我形神一月不得親吁嗟
人間好手有若此誰謂顧陸張吳一時生便死眼中之人吾
與子

題畫

檻外攢峯何處江天遠水冥冥半山紅葉堆戶一壑秋聲到
庭


聽查八十琵琶戲贈


鷓絃誰撥嘈嘈聲動指梅花落滿庭郎若聽時儂更奏江流

嗚咽江峯青

桃花曲

千樹萬樹紅勝霞樹裏青樓是妾家下馬登樓君且醉春風
明日又飛花





明詩紀事

貴陽陳田輯

庚籤

于慎思

三首

慎思字無妄東阿諸生有龐眉生集十六卷

四庫總目龐眉生詩文皆有縱橫排奐之氣而頗涉粗

于慎行穀城山館集先生善古歌行尤好為楚騷近

體不純於唐亦不落宋至傍人口吻齷齪效顰薄不

為也海嶽靈秀集無妄集中望嶽吟河平謠諸篇天才跌

宕筆陣激躍有太白風骨漁洋詩話龐眉生文定公慎行之兄詩才情過文定

少虛先生見過山莊

每籤卷八

老鶴千年意冥鴻萬里心溪山紆勝賞風雨促悲吟石蘚出
泉滑巖蘿吐月新何緣臺上嘯時有鳳鸞音

山中

石古山高細路分南山閣子背西曛風來懸瀨琴皆拂霜入
疏林葉半醺有夢誰能閒似鶴無心我更懶於雲林邱自愛
陶弘景祇恐清時負聖君

村居卽事

繞村夏木總千章不似龍池老白楊剩與村人作雷雨神鴉
社鼓鬧斜陽

于慎言 一首

慎言字無擇慎思弟嘉靖壬子舉人有冲白齋存稿

宿虎窟山寺

偶向青山訪化城山花山鳥鎮相迎風迴碧樹秋聲落雨過
丹巖夕照生洞鶴依人知是主林僧出世轉多情茅堂夜宿
忘歸去獨倚長廊待月明

于慎行 十首

慎行字可遠更字無垢慎言弟隆慶戊辰進士選庶
吉士授編修歷修撰侍講左諭德侍讀學士擢禮部
侍郎改吏部拜禮部尚書加太子少保兼東閣大學
士入參機務以疾廷謝失儀尋卒贈太子太保諡文
定有穀城山館文集四十二卷詩集二十卷

四庫總目慎行於李攀龍爲鄉人而不沿歷城之學其
詩典雅和平自饒清韻

列朝詩集文定在史館窮年矻矻以讀書為事每進
講唐史至成敗得失之際反覆論說上為悚聽講罷
分題賦詠不長於書詩成倩人書之上有問之具以實
對上大喜讀書貫穿經史通曉掌故以求為有用之
學凡所撰據駁正具有源委皆可施行謝部事居穀
城山中十有七年網羅搜抉蘊藉益富甫大用而遽
卒天下惜之公於詩文春容宏麗一時推大手筆其
論古樂府曰唐人不知為古樂府是知古樂府也辭聲
相雜既無從辨音節未會又難於歌故不為爾然不
效其體而時假其名以達所欲出斯慕古而託焉者
乎近世一二名家至乃逐形模以追遺響則唐人所
吐棄矣余間為郊祀饒歌可數十首已而視之頗涉
兒戲亦復不自了然遂焚棄之取其音節稍近者曰
其一二謂之本調至近體歌行如唐人所假者不曰
樂府則詩之而已矣夫唐人能為而為也其論五言古詩
為而遂為之予奈何不能為而為也其論五言古詩
曰魏晉之於五言豈非神化學之則迂矣何者意象
空洞樸而不敢調軌塗整嚴制而不敢騁少則難變
多則易窮古所謂鸚鵡語不過數聲耳原本性靈極
命物態洪纖明滅畢究精蘊唐果無五言古詩哉余
既知其解矣而不能舍魏晉者取其可以藏拙且適
所便非遂能似之也海內賞真之士有以吾言為是

吾詩雖不觀可矣公生當慶歷之世又為歷下之鄉
人其所論著皆箴歷下之膏肓對病而發藥夫惟大
雅卓爾不羣其是之謂乎
靜志居詩話東阿格律和平當正聲微茫之時能為
是調即詩高選亦堪作相
田按東阿論詩洞達古今流變穀城山館集音調諧
暢諷諷乎朱絃大雅之音萬歷中葉以後朝政不綱
上下隔絕礦稅橫征縉紳樹黨亡國之象已兆於斯
而公安竟陵之苦音側調應之聲音之道與政通應
如梓鼓東阿爰立朱即登朝遠爾凋謝所謂人之云
亡邦國珍瘁不獨為詩運傷之也

武安侯墓歌

長安城西銷客魂故侯墓前雙石門空梁無風蠨蛸挂高臺
不夜鼯鼠奔行歌牧豎上隴首守冢老兵眠樹根道傍徒倚
長歎息千古此意誰與論當時貴寵真無匹勢倚青天迴白
日驂乘親陪別苑游行香日侍齋宮直元公鐵券大國封都

護金章新樣刻玉鞭蹀躞內廐馬雕盤絡繹尙方食權相交
驪亦掃門徹侯受酒咸避席此時意氣薄青雲睨笑看人寵
辱分負郭園池田太尉重城甲第霍將軍曲閣重樓春自駐
繁絃急管日初曛自言富貴無銷歇爭見桑田海亦竭未央
宮前請室開咸陽道上車塵絕聞門行馬卧莓苔舊館翠恩
藏敗葉只今尺土閉空原歲歲春曉杜宇血吁嗟嗟世皇二
寵傾朝廷前有武定後咸甯福過俱爲萬人指法行再見七
廟靈人間榮悴咸可數古來金谷與鄆塢前車已卻後車馳
請君但看北邙土

雙林寺歌

道傍佛宮誰者築珠樓寶殿橫山麓僧徒指點爲予說此寺
方成主人逐憶昨十載氣薰天吐納日月揮雲煙外廷稍引
三公勢內禁親操六璽權出入鉤陳留筦鑰笑談甲觀走金
蟬建寺平侵貴主第施僧直請大官錢輸來多寶堆成塔輦
盡黃金布作田法宮梵宇何連曼勝地名區看不斷墓上林
園學九陵祠前樓閣成雙觀落成牛酒國親供建醮香花天
女獻吁嗟此寺獨渺小赤刀已欲盈千萬我皇神威符世祖
距脫大奸俯地取郭家金穴入水衡鄧氏銅山歸少府廬兒
解玉乞街衢宅婦懷簪隨卒處惟餘此寺在郊原虹梁竊構
誰爲主蛛網空懸梵鐸風青苔自鎖瑤琅雨盛衰轉盼那不
有幾年翻覆看如許君不見江陵城頭土三尺若敖餒鬼不
來食一代賢豪此謂何爾全首領恩亦極

房金卷八
列朝詩集萬曆初大瑞馮保營葬地造寺曰雙林卽馮之別號也

春半

卧病忽已久閒房鳴素琴徘徊紫芝意惆悵青春深芳草亂
迷徑殘花空滿林憑軒送高鳥馳思渺難任

送崔亞沂博士

共作名山隱三秋采薇薇甯辭今日別祇恐故人稀斗酒不
得醉白雲相與歸秋來元燕度可向海門飛

浪迹

浪迹長安陌修途日以難河流誰謂廣海水自知寒嬾慢成
愚性婆娑取貴官春深湖上雨何處少漁竿

憂旱

五月欲過猶未雨秋苗漸槁青可憐白日火雲但裊裊半巖
泉水空涓涓北來流離滿道路西望邑里疏人煙城頭鼙鼓
復不罷勅使普天飛索錢

題忠順夫人畫像

四首

燕支山色點平蕪描出春愁上畫圖一曲胡笳明月夜邊聲
又度小單于

邊聲新舞柘枝辭降得渾邪罷漢師不道長安春色少甘泉
宮裏畫闕氏

天山獵罷雪漫漫繡袜斜偎七寶鞍半醉屠蘇雙頰冷桃花
一片殢春寒

蓮花寶鈿綠雲鬟不脫檐褸款漢關枉殺白登城下畫虜中

原自有紅顏

諸葛元聲兩朝平攘錄三娘子俺荅長女啞不害所
生女也生而骨貌清麗資性穎異善書番文通達事
務蓋虜中女品之絕代者笄時已受襖兒都司聘俺
荅先通焉未幾生子遂奪取之俺荅寵甚事無巨細
咸聽取裁隆慶五年初封忠順夫人萬曆壬午俺荅
殂長子興克都隆合黃台吉襲封順義王復欲蒸三
娘子而配之此三娘子當互市期拒之率眾遠遁黃酋
引部落追之三月正當互市期黃酋使忽來完市事
有背盟後半月三娘子已就黃酋夷使忽來完市事
鎮巡宰牲謝天焉黃酋襲封僅四年三娘子佐之貢
市惟謹萬曆十四年黃酋無異二酋十五年六月力
三娘子而配之其龍幸無異二酋十五年六月力
良同三娘子擁眾十餘萬騎入邊云有馬入千疋要
朝廷用價買之即退時值浹旬雨不止邊牆多圯巡
撫鄭洛甚以爲憂惟好言諭虜使且令人傳語三娘
子無忘香火舊情七月虜卒聽平三娘子之力也萬
曆二十年宣鎮史車二酋叛盟入犯時邊久無警聞
變錯愕撫臺以中領軍常鶴貌偉才雄舉之使虜覘
動靜常挺身入虜營讓虜王扯力良與三娘子極言
中國嘉虜三世嚮化歲頒豐賞今二酋阻壞世好大

不利今非倂二酋獻闕下必不能復徼太師恩矣虜
偉中軍狀貌聞其言心動即擒二酋仍召熟夷以安
獨石中軍素善繪因密圖三娘子及受封三王各像
爲圖說以獻於朝故備得其詳如此
田按馮北海琦亦有題三孃子畫像詩云鞞瑜春煖
瑣芙蓉爭美胡姬拜漢封繞膝錦欄珠勒馬當窺寶
襪繡盤龍塞北佳人亦白饒白題胡舞爲誰嬌青霜
已盡邊城草一片梨花冷不銷紅妝一隊陰山下亂
點駝酥醉朔野塞外爭傳孃子軍邊頭不牧烏孫馬
又徐文長邊詞云女郎那復取泉英此是胡王女外
甥帳底琵琶推第一更誰紅頰倚蘆笙老胡寵向一
人多窄袖銀貂茜巨羅遞與遠黃鸝子側將雲鬢
打天鵝汗血生駒撒手馳况能粧態學南閨將髮
帕穿風去愛綴銀花綽雪飛姑花帽細銀披兩醫
腮梨灑練推箇箇菱花不離手時時站馬上胭脂

公卿十五首

鼎字孝與蒙陰人萬曆辛丑進士改庶吉士授編修
歷諭德左庶子祭酒詹事遷禮部侍郎以薦李三才

落職閒住崇禎初復官諡文介有問次齋集三十一

卷

澹園集周庭詩氣質渾渾不見雕刻而度自全
李若訥四品稿孝與諸體咸妙不屑屑摹古亦不沾
沾是今所得趣者尤在晚年山居諸什
趙秉忠嶼山集孝與詩博大宏敞無湫隘之態
池北偶談吾鄉公文介公萬歷中為詞林宿望詩文
淹雅絕句尤工
靜志居詩話言詩於萬歷則三齊之彥吾必以公文
介為巨擘焉即其論詩大旨云風雅之後有樂府如
唐詩之後有詞曲聲聽之變有所必趨情詞之遷有
所必至古樂之不可復久矣後人之不能漢魏猶漢
魏之不能風雅勢使然也如漢朱鷺翁離之作魏晉
諸臣擬之以鳴其一代之事易名別調當極其長豈
以古今同異為病哉後世文士如李太白則沿其目
而革其詞杜子美白樂天之倫則創為意而不襲其
目皆卓然作者後世有述焉近乃有擬古樂府者遂
顯以擬名其說但取漢魏所傳之詞句模而字合之
中間豈無陶陰之誤夏五之脫悉所不較或假借以
附益或因文而增損踟躕牀屋之下探赜滕篋之間

乃藝林之根蠹學人之路阱矣以此語於作者之門
不亦惡乎夫才有長短學有通塞取古今之人一
強同則千里之謬不容秋毫肖貌之形難為覲面若
曰樂府則樂府矣盡人而能為樂府也若曰必此為
古樂府使與古人同曹而竝奏之其何以自容哉李
于鱗曰擬議以成其變而化之噫擬議將以變化也
變化而擬議奚恥焉又云律詩出於古詩而難於古
詩七言後於五言而難於五言故七律於諸體中最
不易工古今長技惟杜氏耳杜氏之長則秋興懷古
諸將數篇而已近世擬杜氏者甚多大率淺率牽合觀者
厭焉又贈邢子愿長歌云為君歷代選宗工前稱弘
正後嘉隆北地雄渾真大雅步趨盡出少陵下汝南
俊逸誠天然邊幅姿態未全捐濟南匠心奇且麗藻
績無乃傷辭意武昌才美謝諸君節制之師獨出羣
東吳囊括靡不有利純未謝諸君節制之師獨出羣
家瑜者從來不掩暇餘子紛紛未易說擬議原非吾
所悅丈夫樹立自有真何為效彼西家輦蓋力攻摹
擬之非然觀其七律仍以歷下為宗故有文章一代
李滄溟之句同時名家者馮用韞于念東王季木皆
拔萃者也
田按漁洋稱文介七絕誠為立賞文介心折于鱗而
能鍼砭擬議之失與齊人但知管晏者殊科惟才力

頗弱長篇殊鮮合作善於持論而短於自運明人中
若陳約之王敬美輩皆然不獨文介也萬歷時三齊
作家吾斷以高孩之爲首選文介諸人皆在下風

莫愁樂

莫愁在何處莫愁石城陰長槩劃江水難斷莫愁心

遠別離

擬李太白

遠別離吾有握髮之故人乃在桑乾之南易水之北當年相
期釣桑泉今日淹留在京國山蒼蒼兮雲茫茫道路阻絕兮
塵沙塞歸雁不能銜我之遙思風入帷兮霜凝席膠結之心
如轉石摩頂至踵復何言覆藩餘瀝甯堪惜世言一乘車一
戴笠升沈轉瞬非疇昔墜羽飛絮偶相值明月皎皎澄波流
照我素心中懷憂重重煙霧蔽不隔清光之悠悠還君綺琴

解寶劍仰看別鶴淚如霰

歷下訪白雪樓

西望高樓雪正深浮雲天外一登臨巖松荒壠成陳迹秋菊
寒泉自賞音溟海煙霞增屐氣鏡湖風雨有龍吟千秋大雅
誰同作虛負當年御李心

都下送濟南黃參軍之古北參軍舊在征南幕府

濟上公衡快士流壯年投筆事戎輶漁陽老將推鋒日蠻府
參軍草檄秋塞上黃雲看躍馬都門青柳送鳴騶棄繻我愧
終童意目斷伊吾瀚海頭

春日送客

城南宿雨漲河橋千里襟期付一朝春去看春如夢隔客中

送客幾魂銷白蘋洲
愁難駐綠樹煙迷恨已遙
從此去程應計日浮雲天盡轉無聊

薊州獨樂閣

上方鐘磬徹雲霄閣額題書是舊遼
人代興亡經百戰胡塵淪沒歷三朝
幽情卽事成悲感絕塞逢春轉寂寥
堪笑此行何所見寒陵片石亦蕭條

春雪後卽徙村居

雪滿青松碧玉交流澌初漲帶冰消
比鄰鵝鴨猶迷徑隔樹烏鴉巧護巢
歸計倘如彭澤宰卜居擬近孟城坳
深巖亦是同人地莫訝離羣去遠郊

宮詞

驪山太乙列車徒萬騎千營夜不呼
傳語侍臣休諫獵君王明日大夸胡

邊曲 二首

八月遼陽雪影寒孤城吹角淚闌干
一時鴻雁南飛急無數
征人駐馬看隴水離離下隴頭
平沙西望接涼州寒鴻淒斷胡笳起
不是征人亦淚流

秋日再遊城南池亭遇雨止宿
韋曲看花春可憐重來疏柳帶秋煙
無聊更聽南樓雨一枕疏燈意黯然

送于泰寰侍御歸濟南

春明解袂是齊州易水瀟瀟似隴頭歸路不須頻北望煙波
滿目不堪愁

草曲鄱湖南際是洪信江水交入處
湖水澄清江水渾平沙隔斷數漁村長風吹雨連波長兩岸
青楓任吐吞

襄陽

江上輕帆落浴鳧鏡中倒影數峯孤林鶯送客巖花笑曾見
銅鞮歌舞無

蘭谿望金華山水

百折銅江繞釣臺四明雲起接天台半空突出冰輪湧定是
龍湫雁宕開

公鼎六首

鼎字敬與弟萬歷丁酉舉人官工部主事有小東

園詩集

田按敬與詩長於近體與乃兄風格畧似

辛卯紀事

廟議安邦畧猶聞馬市先豈能容再誤何必待來年狼子戎
心狡狐疑漢策偏帝闈真虎豹無路說憂天

秋日閒居

十畝爲園萬樹重前山秀出數芙蓉村邊茅屋連紅葉樓外
寒泉挂碧松欲向赤城尋採藥豈知長樂好聞鐘林間猿鶴
休相妬占得溪南第幾峯

寄李季重進士

五噫歌成出漢關，喜從今日謝塵寰。
情隨驛路牽愁去，春放楊花伴客還。
交態與君期皓首，故人獨我戀青山。
心知有約應相待，爲訪千巖萬壑間。

送周野王南遊

萬縷垂楊拂畫橋，春風何處聽吹簫。
江從北固分三楚，人到西陵憶六朝。
竹箭發時逢社燕，蘭舟歸去看江潮。
與君共有千秋約，莫待淮南桂樹招。

直中書有感

曉徘徊闔近星辰，暮惹氈煙下紫宸。
玉璽不開時有詔，金甌常覆爲何人。
當階紅藥空搖影，隔舍青山好作鄰。
黃閣畫封

鴛侶散花磚生草案生塵

送翁完虛奉常使德藩兼懷舊遊

七十峯頭七十泉，夜來飛夢落齊川。
偶聞上客驅車去，欲伴名山借榻眠。
周禮至今猶在魯，酒徒好憶再遊燕。
國人耳目皆相屬，莫爲清時懶著鞭。

董嗣成一首

嗣成字伯念，烏程人。尚書份孫。萬曆庚辰進士，除禮部主事。歷員外郎。中建言削籍，有《青棠集》八卷。

田按：伯念乃潯陽尚書孫。潯陽以圓融取容，伯念疏救李獻可，削籍抗直，不阿，可稱幹蠱。

寶應道中

去國日幾許，栖遲水一涯。
人家半蘆荻，市稅盡魚蝦。
邑里孤

煙斷村墟落日斜蒼茫何處所鷗鳥下平沙

送周山人還吳

南國嗟昏墊擔囊殊可憐客程雙屐雨歸計五湖煙雲卧燒
丹竈花深種秫田憂時有方伎辛苦向人傳

董斯張

斯張字遐周嗣成弟國子監生有靜齋集十四卷

靜志居詩話遐周初學詩於周廣業及入闕心折曹能始歸與吳允光王亦房酬和是時公安竟陵派盛行浙西風氣不盡移易遐周洽聞周見與吾郡沈景倩畧同詩亦相似嘗以所作投前守吳季駒季駒寓書韓求仲云在郡兩年不識有董生吳興守眼可抉也近得渠見贈詩如飛天仙人不著一煙火字其傾倒如是

不淺矣

數得閔康侯所假書忻然有寄廿六韻

秋暑苦灼人尊息不曾帽竹樹都欲然快雨適相勞邊看市
塵洗轉欣田黍膏倦呼丹邱芽詎羨尊絲毛好音頃西來字
字慰幽蹈蘭緘粲然啟珍于鼎納部卮言雜俳諧莊語儼墳
誥立搜則抽繭逸步乃飛瀑我視蕪不治舊聞猶滅竈俗諱
三鱸講家愁五牒耗借書竟何門賃作非所懊學海擬杭之
溟滓歎誰導慙余藿食者忽有弦商犒味如投釀均心無入
宮媚朝醒獲柘漿一讀起聾眊末光良不遺瓊華絕稱報吾
兄宿讀流藝場建雄燾神穎標綺年殖學壓耆耄小宋殊磊
磊小阮仍浩浩架籤時互掣弦軫必齊操相賞松石間微言

輒窮奧蘭叢芳屢振玉積輝彌到析疑曠縣疾卜宅銘余好
富貴易曲肱久識靜君躁山栖君昔詠水樂余非傲深有靈
嶽期汶領恥空告

立宰先生寄示古觚卣二種問余所藏黃文節趙文敏
書先生不甚喜兩家書茲豈其戲耶寄此博笑

方觚鏞蕉葉翠若黛初埽白銘數十字古籀讀徐了遠從雲
間落盥手撫清曉精光照茆屋置我周秦窅遙知舊陵墓野
露泣榛草生來古癖深藏帖殊恨少吳興行茂密雙井勢天
矯來經天籟閣墨彩尙鮮好君言欲得之博以兩奇寶假許
璧可輕易馬石能討君書蒲虞褚茲語似相勗二老見君書
流涕故應早厭肉而求蔬貧士不得飽有如故人聚將別心

更懊獲奢吾豈敢開眼爲君道法書與奇玩沈溺盡煩惱終
爲誰氏物聚散一飛鳥貞心不重嫁古貌足娛老珍惜故名
癡買遷亦成擾何如任其常疆里請自保

夏日同周虞卿集華濟之齋中

公子善留客清尊開竹軒桑陰間入牖水氣暗浮村散坐同
知己無聊或放言持杯有深意落日滿高原

暮秋同長文夜集恣公精舍得衣字

竹庵立窮渚鄰社往還稀偶伴野人至坐聽秋葉飛僧厨餘
午鉢佛火近寒衣妙理從師悟猶憐帶月歸

落日

落日汀洲靜高天轉沈寒煙橫沙岸白波急遠山搖野水倚

孤棹前村歸暮樵清歌何處起無數荻花飄

送范東生遊滇

荆吳雙眼盡復發滇南繞遊道轉之僻遠心誰可招波危惟
度鳥山立但通樵定有異聞積經年歸不遙

題李長蘅畫二首

層嶂倒如楓赤茂林翻寫螺青卻憶廿年前事武夷道上曾

經

花任天風吹老鳥從日暮忘還碧潭寸寸秋色何妨置我其

間

梅鼎祚十五首

鼎祚字禹金宣城人國子監生有鹿裘石室集六十

五卷

四庫總目鼎祚輯入代詩乘又輯古樂苑於詩家正變
源流不為不審而所作止此則囿於風氣委曲諧俗
之過也
歐大任虞部集禹金五言古蒼然骨立七言馳驟樂
府時極少陵之致近體其氣完其聲鏗以平其思麗
以雅蓋彬彬中宮商也
王寅十岳山人集禹金選律具才風格恪守奇宕時
作垂僻不生
列朝詩集禹金於學博而不精其為詩宗法李何雖
游獵漢魏三唐終不出近代風調七言今體步趨李
于鱗又其靡也禹金好聚書嘗與焦弱侯馮開之暨
虞山趙立度訂約搜訪期三年一會於金陵各出其
所得異書互相讐寫事雖未就其志尚可以千古矣
明語林禹金篤志纂輯嘗納妾鄒氏一月不出人怪
暱問之則已輯青泥蓮花記十二卷
梅清梅氏詩畧禹金著作充棟有鹿裘石室集歷朝
文紀古樂苑入代詩乘書記洞詮唐樂苑青泥蓮
花記才鬼記才幻記才神記女士集嘯臚志李杜
詩鈔宣乘翼玉合記長命縷崑崙傳奇諸書行於世
靜志居詩話禹金馬見洽聞著書甚富詩乘文紀之

外旁及書記小說兼精傳奇所填韓君平玉合記爲
詞家所賞有云風中絮陌上塵歎韶光何曾戀人亡
友王介人極稱之
田按禹金五言長於近體七言長於絕句名列兪州
四子子之一兪州晚年學仙奉曇陽子教謂昇舉可
致禹金有兪山園追憶王長公詩云眼前感激千古
事白雞夢斷青鸞逝服藥求仙徒誤人縱酒高歌差
快意可謂達人之論矣

江上宿觀音巖

江眺極蒼茫雲居信縹緲日沒眾巖空天長片帆杳靜夜緼
霜嚴澄波銜月小鳴榔跳潛魚危巢跼栖鳥濤響雜寒松露
華流翠篠一燈照世迷孤磬出林杪獨宿伴疏星高歌命嘉
醪清徹不成眠海曙映秋曉

秋夜寄叔箕

天末涼風起因之一問君佳期夢宿昔長往謝人羣月魄生

殘夜河流界白雲悲秋吾欲賦搖落不堪聞

溪上同李山人步月

偶乘流水往似與碧雲期爲興吾不淺有懷君自知青林含
月動白幘受風欹共卜雙綰釣高天見一絲

都夜聞笛

長安聞玉笛楚客遠遊時明月一爲奏秋雲不可持江空龍
語細天闊雁行遲萬戶秦淮柳寒條綠自垂

楊姬館逢卓懋德北上

以君一日長別我十年餘桃葉愁中檝梅花病後書寸心從
髮短孤夢隔秋疏莫戀當墟者君王問子虛

夜過寒山寺覓藤梅

疑籤卷八

七

夜半鍾初罷寒山路漸通人投漁市火舟倚野橋楓僧語蒙
霜出茶煙帶月籠藤梅何嫋嫋香氣曉隨風

雜興

天授雄才漢武皇誇胡羽獵校長楊自班倩女金條脫別號
將軍鐵襖褫北狩鑾輿迴朔氣南巡花月扈春陽先朝帝澤
原優渥萬歲千秋樂未央

姑孰留寄史仲弼司理

斜日孤城水上浮浪遊誰問孝廉舟南來碧樹初搖落北向
滄江正穩流客裡夜懷姑孰雨望中雲色秣陵秋前程一倍
思君處獨醉西風太白樓

頓姬坐追談正德南巡事

姬之先有優頓仁擅琵琶
及角妓王寶奴俱見幸

武帝時巡逼舊京主謳鉤弋並蒙榮更衣別置官楊繞蹴踘
新塲御草平徧選檀槽催鳳拍忽傳金彈逐鶯聲寶奴老去
優仁遠坊曲今誰記姓名

夜雨

孤懷夢裏三更雨雙鬢愁來一日秋卻笑寒燈解相識照人
疏影到西樓

贈別

遠山雙黛寫新蛾銀燭金樽碧玉歌愁逐東風渡江去楊花
無定奈春何

塞上曲

千金散盡少年場走馬呼鷹氣莫當白晝殺人都市裏脫身

新拜羽林郎

板橋道中

細雨濃愁斷送春板橋新綠長溪蘋搖搖似出新林浦滿地
楊花亂撲人

寄陳德基戶曹薊州

燕都酒樓高插天高髻胡姬慣數錢忽聽琵琶歌出塞漁陽
清淚落君前

揚州見王鷺鴻

趙女燕姬枉得名胡笳羌管盡邊聲廣陵一曲千條柳望到
江南便有情

梅蕃祚一首

蕃祚字子馬鼎祚從弟官滋陽縣丞有玉簿稿涉江

草王程草

梅氏詩畧子馬性豪邁任俠傾動士林弁州贈詩云
舳底歌聲牛渚月篋中詩草敬亭霞可想見其風概
靜志居詩話子馬與季豹禹金同負詩名王元美詩
較他羣從更高華蓋指子馬言也

同錫予泰符少虛遊三天寺

窈窕青松逕逶迤白石關殘春同客到落日見僧還坐聽齋
時磬經行雨後山前朝留片碣磨洗盡苔斑

送泰符之金陵兼寄諸子

葉落蕭蕭秋正深行人匹馬發新林叮嗚莫過投書渚一紙
從來抵萬金

梅國祚一首

國祚字景靈宣城人歲貢生除杞縣教諭遷編竹知縣有景靈全集

答禹金見寄

孤城風雨後二月豔陽初別爾非千里愁余是尺書貧憐生計拙狂覺世情疏見說春遊徧能無憶鹿車

梅嘉祚一首

嘉祚字錫余國祚弟諸生有默奇生遺稿

送時甫叔判蜀州

送別之官去三山嶺上遊亂雲橫劍閣明月夢刀州檄自平蠻草江仍學字流茂陵遺記在好爲漢庭求

梅台祚一首

台祚字泰符國祚弟有弧矢集

泊潯陽

獨夜空江思寂寥聞歌一半楚人謠故鄉自是無消息只道潯陽不上潮

梅鷗祚一首

鷗祚字仲舉宣城人萬曆癸未進士選庶吉士改監察御史

寄禹金兼柬殷無美

客久問歸期淒然有所思雞林文字貴鳥道尺書遲白雪從誰和青萍轉自疑倦遊無可托回首暮雲時

王象艮三首

王象良字伯石一字思止山東新城人貢生官姚安同知有迂園集二十四卷

山左明詩鈔公孝與云思止春容淹雅白真韋澹自然神合
居易錄郡丞詩名出考功下然謹守唐人矩矱不失尺才如孤城一飛矢六國有心人南雁迎花早東風帶雪多龍源花外水鹿角雨中山皆五言之選

魯仲連射書處

詎忍蹈東海誰思強帝秦孤城一飛矢六國有心人俠氣海山冷古墳湖水新甯論五霸業那減擲輕塵

暮秋

滿院秋光帶晚霜人同寒雁立斜陽年華老大無風味世事喧爭總劇場庭葉掃除旋自落籬花開盡尙餘香迂園三徑

蕭條後柯柏亭亭色轉蒼

湖上食鱸蓴作

縱酒逃名把釣竿宦情世態等閒看西風乍返江東棹只此蓴鱸合去官

王象明一首

象明原名象履字用晦象良弟貢生官大甯知縣有鶴隱集

闕題

日日輕雷送雨聲小窗歷亂竹枝橫水痕時落還時漲枕上看山秋欲生

陳价夫一首

價夫字伯孺閩人有招隱樓稿吳越游草

列朝詩集伯孺少為諸生踏省門不見收隱居賦詩自娛阮自華贈詩云伯孺佳公子簞瓢居陋巷短衣纔及胛吾視天夢夢

淘江津亭送徐七歸冶城

留君不可挽臨水送將歸百里未為遠所嗟良會稀悠悠春江上望望孤帆飛相思那可道竝立空斜暉

夜渡瓊海

五兩斜飛不暫停長鯨吹浪晚冥冥虛疑獲使求靈藥漫指仙槎動客星鄉國每勞瞻北極風雲今始識南溟晨潮漸滿扶桑白一片瓊山島外青

陳薦夫一首

薦夫名藻以字行改字幼孺價夫弟萬厯甲午舉人

有水明樓集十四卷

田按伯孺幼孺兄弟稱詩品畧相似徐惟和晉安風雅有幼孺序云非性靈不談脫釘餛如屣知其風旨所在矣

臨別再呈伯孺兄

臨別無言但損神孤身遊子白頭親鄉書到處封題便馬上相逢好寄人

黃維棟一首

維棟字上仲黃巖人

以詩代柬鳳凰山人

千峯秀色白雲間遙望高蹤何處攀書問未達鴻雁侶夢遊

祇到鳳凰山遲回歲月愁中鬢
荏苒風塵別後顏便欲拂衣
長往也與君同掩綠蘿關

黃維楫

維楫字說仲維棟弟

列朝詩集說仲詩清拔

夜思

草色煙光向晚淒望鄉人自滯淮
西風傳鼓角更初轉霜落
關河斗漸低夢欲成時逢雁過愁
方生處有烏嘯家書倉卒
眞難達不是秋來醉懶題

劉楨昌

楨昌字燕及桐城人萬曆甲辰進士
除宜黃知縣改

臨川降廣東按察司照磨遷廣濟知縣徵授南大理
評事出爲興化知府有遷草遊草觀草

滕陽覽古

子房素心人弱志無雄才一逢黃石公殺機從此開
功成不受賞辟穀何爲哉帝圖旣已矣神仙骨亦灰

劉楨芳

楨芳字未洙楨昌弟萬曆中諸生有次醉齋稿

徐漱桐舊集未洙著詩經永論其自序曰在心爲志
發言爲詩觸物發聲天機自動然物有恆姿而思無
定檢或率爾造極或精思愈疏有淺言之者深解之
而索然篇什之外吟咏有餘字句之間尋求彌遠此
言盡說詩三昧卽論漢唐以來之詩亦可括其宗旨

詠史

相如罷車騎高卧秋風時門掩茂陵草夢繞上林枝寂寞竟
何似歲月忽已馳賴有長門賦能充貫酒資

懷方嘉州潛夫

之子三刀夢嘉陵萬里行雲過神女廟花入錦官城杜宇千
林合峨眉片月明此時端手板從事恰相迎

寄謝中隱靈泉蘭若

山人不作塵中戀布褐春隨開土居半榻香雲初地接六時
清夢世緣疏當杯濁酒容乘興照眼濃花好著書老我別來
蕭索甚高齋夢蝶正蘧蘧

別文姬

潮來湖畔水痕平不分通州送遠行爲道相思似潮水有時

纔退復還生

郭天親 一首

天親字聖胎莆田人萬曆中國子監生

露書郭聖胎長安詩如遠客逢故人言皆肝膈

連雲閣

柴門連翠微幽人自高閣不知何處雲片片當窗落

郭天中 一首

天中字聖僕天親弟

露書聖僕詩如秋柳蟬聲聽者竦耳而惜其稀
列朝詩集聖僕祖以避寇徙秣陵母誕聖僕時夢一
道人雙髻曳杖從山巔下直入其室其生也頂髮截
分以徵異焉聖僕以五日生早失父性至孝孤情絕
照迥出流俗購畜古法書名畫不事生產專精篆隸
之學窮匡斷碑搜訪撫搨閉戶冥搜寢食都廢晚年

隸書益進師法秦漢最為逼古母沒權厝於城東郊
傲居其側風雨蕭然終不肯去人欲為卜居以僻耽
山水為辭竟不欲明言廬墓以市名也故人泰和楊
嘉祚守維揚延致聖僕贈遺數千金斥以買歌姬數
人購書畫古物并散給諸貧交緣手而盡嘉祚歎曰
此吾所以友聖僕也諸姬中有朱玉耶王山水師董
北苑李柁那工水仙直逼趙子固疏窗棗几菜羹蔬
食談諧既暢出工姬清歌以娛客或邀高人程孟陽
輩流覽點染指授筆法鍾伯敬贈詩曰姬妾道人侶
敦彝貧士家亦實錄也

石鼓詩

鼓非石賈者星文非鼓勒者銘焚外書刪外經經雅頌書典
型隸秦漢徑睽庭篆龍鳥藍溲青日謝杵春斲停嵌辭金波
畫零我拜手神之聽

華善繼

善繼字孟達無錫人嘉靖中貢生除浙江布政司都

事遷永昌通判有折腰漫草

靜志居詩話孟達詩不及其弟

與僚友集張家園

名園城市裏頗有習家風池映孤亭動橋分小洞通折花驚
暮蜨移石走秋蟲事事皆成賞清尊亦自空

華善述

善述字仲達善繼弟有被褐先生稿十七卷

靜志居詩話仲達與兄孟達並有才名王元美列其
兄於四子之列而仲達不與焉觀其詩品矜奇灑
落幾欲御風而行一時詞客未或過之而元美序之
謂不可為典要是亦拘牽之論已

贈顧南邗先生

南邗先生家近市終年強半龍山裏招尋盡是素心人飢即

探薇渴飲水三祖流傳焦尾琴當時得之千黃金錦囊往往
共出入清風明月爲知音自言指法有神授中郎中散相先
後一調九龍峯欲飛一鼓二泉泉爲溜過客求聽無所惜樵
童牧豎任爭席松枝拂拂梅花飄澗魚喁喁巖鳥默亦知伯
牙君後身世鮮終期誰識眞賢從癡絕好我琴我琴無弦但
蒙塵今願託居煙蘿下流水高山秋復春

盧純忠 一首

純忠字子孝南通州人有潛菴詩錄

溪村

門巷沈沈草徑迂綠楊深護野人居水聲不斷日停午時有
溪童來捕魚

盧純學 一首

純學字子明純忠弟有食翠館山中二集

田按談書畫者有鑒賞家有收藏家鑒賞者能自鑒
別評定高下錄眞品而去贗品舍凡品而求精品收
藏者好事而眞贗錯出佳惡悉收也選詩者亦然子
明於詩事不甚了了所作不能過人而頗好事輯明
詩正聲至六十卷亦收藏家之流也

病中書訊王承父

秋去翻成病支離懶出山思君明月下伏枕白雲間落葉孤
亭寂秋花片石閒牀頭有流水愁絕對潺湲

宿鳳翥 四首

鳳翥字孟威掖人有尙白齋詩

濤音集西樵曰樊桐五古專摹建安以上似不屑音
宋近體亦臻老格胎上曰樊桐與甯之力追正始選

唐鑑卷六
體沈古道邁原本河梁雜以樂府七言雄鬱意得處
直通少陵
田按孟威與孫甯之倡和趨法畧同古體不及甯之

秋野

病起惟尊酒愁吟獨野行
海浮萊子國山接不其城
序晚羣芳落天清
旅雁鳴亂山雲霧裏的的斷霞明

遙和大澤山詩

遙聞清絕地幽致隔凡蹤
夕翠橫千嶂晴風吟萬松
疏林行野鹿落日響山鐘
那得協心賞排雲躡碧峯

春園漫興

層臺延眺起清筇
曲曲長林巧映沙
黃鳥狎唳全放柳
遊蜂偏惹未殘花
城頭日落春溪轉
河上風輕燕子斜
暮笛一尊

芳草外不知何處有仙家

漫成

石橋流水水西頭
懶性祇今拚一邱
十畝桑麻開別墅
一尊風雨對平疇
人從七夕逢初霽
雁向橫塘度早秋
中散自來耽酒德
醉鄉吾亦擬同遊

宿鳳起

鳳起字冲之鳳翥弟有清虛館詩

西園雜述

頗愛山居好疏狂常不冠
鶯嘯覺書永花落識春殘
竹外尋棋局沙頭理釣竿
升沈事已矣雲卧獨加餐

喻應夔

一首

應夔字宣仲新建人副使均子以明經官興山知縣

有虹玉樓詩十卷

蝶齋詩話新建俞宣仲遊金陵與曹能始同賦六朝懷古詩中有晴天鬼火燒枯樹秋水漁燈照廢宮盛傳於時其詠廬陵金牛寺落句云誰言流水去長在寺門前蕭伯玉劉晉卿諸公嗟賞閣筆李梅公先生為余言之

送曹能始入桂林


桂林雖簡僻詞客頗相宜賞眺情初遠輶軒去莫遲官閒對奇岫句冷得新詩遙想同聲在分題競爽時


喻應益 一首

應益字叔虞應夔弟

懷曹能始

海內論巖壑奇觀獨桂林不因山水興能動宦遊心久報前驅度何時使節臨鬱孤臺畔客吟望到於今





明詩紀事

貴陽陳田輯

庚籤

鄭學醇 一首

學醇字承孟廣州順德人隆慶丁卯舉人官武緣知

縣有句漏集

廣東詩粹張羽王云武緣詩其氣溫其思密其辭俊以麗

風高贈隱者詩

東林富麋鹿下有靜者廬垂蘿蔭檐隙落葉紛前除黔婁時
曳踵玄晏恆著書何必方外逃始與塵事疏

梁紹震 一首

紹震字原東廣州順德人隆慶丁卯舉人官平樂同知有緒昌堂集

東林元日

風高千戶曉雲靜九天開把酒聊隨俗占年一上臺野梅催
歲色檐鳥喚春來坐看江潭父得魚吹笛回

黃鳳翔 六首

鳳翔字鳴周晉江人隆慶戊辰第二人及第授編修
進修撰歷中允諭德進祭酒擢禮部侍郎疏建儲不
報乞休歸起故官改吏部遷南禮部尚書天啟初諡

文簡有田亭草

田按文簡立朝不附和江陵又疏建儲不報乞歸有
恬退之風五言詩清警拔俗稱其為人

謁于少保祠

白登圍不解六飛去不返社稷幸有君臣節惟蹇蹇九鼎奠
如山邊塵淨若捲漢皇有神靈若然乾樞轉安得延陵讓用
竟呂甥款南宮螫龍奮自恨一死晚蒼穹驟黜鬢旁觀為涕

泣嗣皇賜昭雪廟貌寄崇爨臣忠主亦聖遺風百世遠

鄭方坤全陶詩話黃公鳳翔異夢記云萬曆己丑冬
至前二日余以叨貳春省將祇事郊壇齋宿署中是
夜與僚長東阿于公富順李公擁榻立談宵分乃罷
既就枕忽夢有投刺者曰于尚書使也開函視弗
觀名姓刺中有二語云空山一淚憑誰寄萬古孤雲
祇自愁心自駭愕通文不寐晨起具述以告二公于
公訝曰所謂于尚書者非眼中人耶少選浙江上奏
掾來呈副封則巡撫傳某所題疏也略曰伏覩故少
保兵部尚書臣于謙當睿皇北狩景帝嗣統內修外
攘盡瘁謁誠俾九鼎危而獲安鑿輅去而復返忠甚
盛也遭萋菲之讒竟死非辜睿皇旋覆悔之聖聖相
承先後昭雪贈官賜諡建祠吳山恩華備矣惟時秉

事者弗克將順德意易名肅愍未愜眾心乞聖明裁
改以彰顯勳慰幽魂于公覽疏顧謂子曰夢徵矣幽
明感通一至是乎願少保公獨見夢於公何也蓋予
嘗陟吳山之陽謁少保祠為詩弔焉良謂有一面之
識乃為二公誦予詩有主聖臣忠語于公嘆曰公為
少保公知已矣此疏下于公請改謚曰忠肅天子俞
之於是與論稱愜謂足安少保公九京云

山中寒食

介推不言祿遠作龍蛇蟄山林雖被焚一去周八極此身豈
匏繫死向灰中匿太原人何處于載悲寒食

聽月樓示立道人

西來音可觀層樓月可聽耳目非易用靈根洞相應受想屬
虛空萬緣寂俱定黜聰是聞法收視乃見性窈窈樓中居日
覺丹臺淨六鑿爾都捐無得亦無証何用強分解曉曉問佛

姓

思舊吟 一首

瑕邱夙傳業摘詞亦擅名譚諧似方朔而不登漢廷家無種
秫田當墟買宿醒吟社時酣唱刻燭四韻成何煩手推敲一
座為盡傾壯懷老偏豪隕矣處土星 江山人一鯉

早歲曾夢筆藝苑知名久一自結同聲視我忘年友宦遊咏
宣城退居吟五柳側耳何鏗鏘奇贈亦瓊玖蘭亭有唱和魁
然為祭酒郢匠當我前拙工宜縮手遺札猶在几先生今烏
有 江太僕萬仞

山中讀南華

木以不材壽雁以不鳴死誰謂莊生達怔營猶爾爾世罕百

年人逝如東流水材與不材間相去能有幾
鳧雁羈稻梁山
榜依良歸邱壑堪藏身榮祿禍所倚悠然濮水釣涂中自曳
尾羶生豈不材韜真以沒齒

王家屏

一首

家屏字忠伯大同山陰人隆慶戊辰進士選庶吉士
授編修進修撰歷侍講學士擢禮部侍郎改吏部兼
東閣大學士入預機務進禮部尚書太子少保贈少
保諡文端再贈太保有詩集二卷

田按文皇四駿圖詩四篇在張太岳集中而詩綜據
館課集本屬之文端余檢文端詩集亦無此四詩則
自館課集之訛未可援以為據也文端立朝不阿奏
疏侃侃直言有古大臣風詩多酬應之作非其所長

送劉太史秦藩使道省觀

綠鬢神仙侶青雲侍從臣
校藜依日月捧節下星辰
桐葉遙分陝皇華近使秦
褰帷瞻華嶽飛旆度河濱
宴設新豐酒花明灞澗春
趨庭紆畫錦里閤溢光塵

陳于陞

一首

于陞字元忠南充人隆慶戊辰進士選庶吉士授編
修歷侍講學士拜禮部侍郎改吏部進禮部尚書兼
東閣大學士入參機務加太子少保文淵大學士進
太子太保贈少保諡文憲有萬卷樓稿

田按文憲集罕見余從劍閣芳華集錄詩一首

華山紀遊

名山縹緲闕靈蹤
路入金霄瑞氣封
箭括通天青一徑
蓮花

拔地翠千重日華東映標仙掌山勢西來帶雪峯欲馭長風
理瑤策更攜三秀跨茅龍

張位一首

位字名成新建人隆慶戊辰進士選庶吉士授編修
遷侍講改授南司業謫徐州同知擢南尚寶丞召為
左中允進祭酒擢禮部侍郎改吏部兼東閣大學士
入參機務進禮部尚書文淵閣大學士加太子太保
再進少保吏部尚書武英殿大學士奪職閒住尋除
名為民遇赦不宥天啟中復官贈太保謚文莊有閒
雲館集鈔六卷

靜志居詩話文莊以持正忤江陵詩頗有憂危之語
其詠射鵠云方寸能幾何當此亂鏃投有感其言之

也既罷相於東湖杏花村建閒雲樓吟眺自娛晚探
青原之勝汎舟螺川野服篋車登覽竟日老僧不識
為宰相相題詩懷鄒魯瞻門人胡廷宴守吉安從寺壁
見詩始知之是亦佳話
田按新建以遼事敗奪職除名為民明之存亡在此
一舉天啟中乃復官子諡所謂亂朝之政不可以究
詰也

宿化城寺

峭磴疑無路靈源別有天暮煙籠合嶂春水漫平田境僻少
塵事山空清客眠外韜含內美此地得真詮

沈一貫

八首

一貫字肩吾鄞人隆慶戊辰進士選庶吉士授檢討
歷中允侍讀學士擢吏部侍郎加太子賓客進南禮
部尚書改北兼東閣大學士入預機務進太子太保

戶部尚書武英殿大學士累加少傅兼太子太傅吏部尚書建極殿大學士贈太傅諡文恭有喙鳴集十

八卷

列朝詩集戊辰史館去拜者七人以詞章擅名者東阿鄆縣鄆縣之才筆秀於東阿田按鄆縣相業不足者少師事沈明臣稱為句章公又與黎惟敬歐楨伯輩往還故詩筆頗擅麗藻

山陰道中

最是山陰道可憐青蒲白鳥浴晴川一奩水鏡疑無地九疊山屏直上天向浦歌聲春社鼓隔江燈影夜漁船誰能乞得君王賜不戴黃冠已是僊

送黎惟敬歸嶺南

蘭舟桂楫恨悠悠海北天南自此休梅子雨時過庾嶺桃柳

夢裏到番州不知茗椀同誰坐定有花燈入夜遊應恨塞鴻飛不去萬山回合一羅浮

送歐楨伯之南都

水部移官向舊京似將明月共南行青門楊柳辭賓御白下風雲待主盟詩爲三山憐客老酒因羣俊覺杯輕六朝遺事何須問苑柳宮花日夜生

河南懷古

曾向齊門歌二桃因從帝子說三刀兩朝涕泣吹餘燼五月踉蹌渡不毛鼎足已知天意定江心猶隱陣雲高河南祠廟終今古蛇虎蹤橫護六韜

寄內

暮雲天遠桂樓深二月韶華半有陰鳳字時來空宛轉魚書
何處付浮沈銅釘月掩三更夢寶篆煙消五夜心最恨吳娃
舊歌曲朝朝暮暮起江濤

寶劍

赤堇山開不可鑿若耶溪竭有銅無城量珠玉終難見白日
燕山狎狗屠

蹴鞠

小桃微雨夜來香朝入雞坊暮狗房無賴楊花偏解妬團風
先占打毬場

聽琵琶

天關直北是居庸夜半期門紫翠重遂有春聲傳樂府琵琶

宛轉唱黃龍

鄭汝璧 二首

汝璧字邦章縉雲人隆慶戊辰進上授刑部主事歷
員外郎中改禮部吏部遷太常少卿出爲福建參議
歷廣東副使河南參政山東布政使以僉都御史巡
撫山東改延綏進兵部侍郎總督宣大有由庚堂集

愚谷雜詠 二首

委巷稀塵鞅城居似遠村芟荷衣仁製松菊徑猶存晦跡從
牛僧閒情共鳥言平生饒野趣樂志仲長園
卜築家山半雙峯對草堂巖欹斜引磴松礙別開廊留客呼
浮白逢僧學坐忘陸沈徒復爾廣莫是吾鄉

蔡文範 三首

文範字伯華瑞州新昌人隆慶戊辰進士除刑部主事遷兵部郎中出為湖廣提學

進廣東參議有縉雲齋稿甘露堂集

靜志居詩話青門近體雄渾絕倫

白瀛德趨東昌道中雜言 三首

風壤連齊魯河流匯衛漳愁思斜日外衰髯驛亭旁江鶩凌寒浴飢鳥下食將頻來舟楫上憂患飽經營

碣石銜天府清漳解北流星槎天上使簫鼓驛邊舟岸柳紆行旆州兵護彩旂還聞元夕近燈樣自南州

振柁憐三老開船禱石尤睨陽空自照陰翳未全收得食鴟

為嘯經時枳橘秋孤舟且飄泊吾道任悠悠

朱孟震 十二首

孟震字秉器新淦人隆慶戊辰進士除南刑部主事

歷郎中出知重慶府歷陝西山西副使四川按察使

貴州布政使入為順天府尹以右副都御史巡撫山

西有郁木生全集

四庫總目孟震詩音節諧暢而意境不深

吳國倫風韻洞積稿秉器詩諸體錯陳爛然有第高

不至詭異卑不至儕俗

張九一綠波樓集秉器詩爾雅深厚

靜志居詩話秉器律律以詩家自許其在南曹結青

溪社一時名士聲應氣求所緝楮談餘談述先蒞之

舊聞綜同人之麗句可謂好事也已

玄武湖

玄武湖頭春可憐
遠隄花柳媚遙天
風微鳥鷺參差下
日麗樓臺紫翠連
龍氣深秋晴似雨
馬蹏芳草煖浮煙
日雲自是神仙署
誰道蓬萊弱水邊

莫愁湖小集呈汪仲嘉諸君子

莫愁湖上雲氣開
蓮花雙槳蕩舟來
盧家歌塵久寂寞
石城山色今崔嵬
詞客千秋飛翰墨
王孫此地有樓臺
清時文酒能高會
落日孤懷轉壯哉

讀留侯傳

帷幄全收佐命功
帝師原自有仙風
拂衣未棄人間事
進履先逢圯上公
一劍夜寒芒碭澤
五雲秋老未央宮
到來鍾室

嗟何晚羨爾深藏異日弓

習家池

斜日城南興不孤
習池風景倍踟蹰
誰爲馬上狂山簡
我自高陽舊酒徒
三峴凍雲迷遠樹
半江寒月澹平蕪
何人更唱銅鞮曲
千古龍消一醉無

漳河懷古

漠漠平沙送客襟
乾坤雄峙昔年心
春風銅雀有興廢
斜日清漳無古今
七子才名空寂寞
三分霸氣總銷沈
人間何處征西墓
凍草寒雲結恨深

大佛巖午憩

大佛巖懸一百尺
江濤東下湧驚飈
舟航白日雷霆鬪
竹樹

庚鑑卷九
青天霧雨驕衲子誦經龍竊聽使君回轡鶴相邀蒲團小坐
茶煙午那能塵襟不盡銷

蜀忠武侯祠

流水無聲繞薜蘿三分籌策竟如何南陽龍去英雄盡西蜀
鵑嘯風雨多雲鳥縱橫魚復浦星辰搖動錦江波千秋涕泗
秦州表白日精靈更不磨

秋日金沙寺贈珠上人

萬里橋東覺路偏層樓開傍蔚藍天閒雲幽鳥爾何意翠竹
黃花最可憐人去問奇空有字寺有楊升菴碑中多奇字客來聞梵欲忘
筌出門相送蒼煙暮卻對溪流一灑然

龍門賓陽洞寄謝李使君

賓陽洞前伊水長楚客炎夏來徜徉岩巒只去天尺五闌檻
宛在水中央使君別意誰深淺遊子歸心正渺茫今日龍門
還御李不禁清興劇飛觴

寄懷歐楨伯

水曹曾聽秣陵鐘聞說官梅寄興濃書到遙憐玄草色詩題
偏問浣花蹤舊遊待詔三千牘新下羅浮第幾峯漂泊故人
還更隱冥鴻霄漢杳難從

春興

含笑桃花作態新綰情楊柳弄眉頻那能不醉雲安酒春色
憐人似故人

桃葉渡

庚筆名九
桃葉渡前芳草迷綠槐高柳岸東西停舟日暮行人盡流水

一灣鶯亂哢

龔勉二首

勉字子勤無錫人隆慶戊辰進士除嘉興知縣改吳

橋遷南刑部主事改戶部歷員外郎中出為嘉興知

府遷浙江參政進本省按察使改山東遷浙江布政

使有尚友堂集

弇州山人續稿子勤古體於左司近體於香山當其得意匪甲而乙不至相徑庭

贈丁隱居

雲卧吳門客翛然遠俗情才高文寡和身隱道先成白髮窮

莊叟青山老伏生幽棲求大藥遠思託蓬瀛

陳言元日同仲山王先生過蒙泉莊先生書屋

舊圃開新往方塘一檻清草玄亭始就問字坐常盈遶屋青

山色到門流水聲慚余時造席鼓瑟似侯生

習孔教一首

孔教字時甫廬陵人隆慶戊辰進士選庶吉士授

憲官南吏部侍郎

恭陪北郊禮成有紀

良辰屬朱明祠官肅方澤天子禮皇祇羣工助精白景風應

函鍾高燎揚廣陌上公秉黃琮太史奉素冊六變樂初成萬

靈馨具格熙朝重殷典微臣叨服役趨蹌從黜牲舞蹈依紉

席始待空桑鳴終裸白茅藉展采偕有司齋心保無斃資生

荷弘載美報感疇昔虞類合園丘周禮分泰圻今古殊儀文
榕恭自朝夕汾陰空樓船雍時已陳迹納履下紫壇稅冕蔭
蒼柏賦擬獻甘泉才應執爨蹠

劉應麒 一首

應麒字道徵鄱陽人隆慶戊辰進士選庶吉士改禮
部主事歷郎中出爲廣東副使改廣西歷四川參政
湖廣按察使浙江布政使以右僉都御史巡撫應天
乞歸起南大理卿工部侍郎俱不赴拜兵部侍郎命

下先卒

秋日同友人泛東湖

剩有南樓興還登湖上舟晚涼初吹蛤柔艫不驚鷗老去稀

同輩觴行緩百憂自憐遲暮日猶逐少年遊

鍾庚陽 一首

庚陽字長卿秀水人隆慶戊辰進士除太平推官入
爲大理評事遷工部主事歷員外郎中出知鎮江府
謫廣德知州終刑部員外郎有焚餘集

真州守風岳水部石帆移酌舟中

同是飄零客江濱載酒過潮生秋氣早樹帶夕陽多鳩拙方
棲棘鴻冥豈受羅相看此風色不飲夜如何

沈懋孝 一首

懋孝字幼真平湖人隆慶戊辰進士選庶吉士授編
修進修撰遷南司業謫兩淮鹽運司判官有琪林雅

詠

靜志居詩話晴峯樂府句摹蕭傲不脫歷下窠日餘體斐然能於同中見異田按幼真論詩云友朋離合登臨流覽吾取法李于鱗又云舉世味味此境將燕于鱗之目不瞑可謂篤信其自運殊乏警特

古意

落花天氣春餘幾垂柳青青日又曛深立繡簾人不見輕風吹動鬱金裙

賈三近二首

三近字德修嶧人隆慶戊辰進士選庶吉士遷吏科給事中改戶科進太常少卿改督四夷館歷大理少卿南光祿卿改北以右僉都御史巡撫保定召拜大

理卿進兵部侍郎有東掖漫稿

穀成山館集石葵歌詩清爽疏宕咳唾立成

明如村

荆門草色幾經春十里江花尚錦茵試問蛾眉山上月當年曾見漢宮人

重遊青檀寺

水落前溪碧樹秋西巖蘭若幾經遊危巢野鶴何年去舊識山僧今白頭

顧大典一首

大典字道行吳江人隆慶戊辰進士授山陰教諭歷處州推官遷南吏部郎中出為山東僉事遷福建副

使謫禹州知州改開州有清音閣集十卷

閨思

朝日斜照戶垂楊低拂床新篁未解籜幽蘭已謝芳玉筋流
殘粉金爐冷夕香羅衾空有夢無信往遼陽

陳巖之一首

巖之字泰仲閩人隆慶戊辰進士累官雲南副使

送僚友謝病還蜀

北闕辭供奉西風獨遠行輕裝歸故國祖帳愴離情月落銅
梁樹雲隨劍閣旌馬卿多病渴何日賜金莖

沈思孝一首

思孝字純父嘉興人隆慶戊辰進士授番禺知縣入

為刑部主事以疏論張居正奪情廷杖戍神電衛居

正死召復官進光祿少卿改太常少卿遷順天府尹

改南太僕卿病歸起南光祿卿進右僉都御史巡撫

陝西改撫河南不赴召為大理卿進工部侍郎遷右

都御史協理戎政天啟中贈太子少保有行成郊居

西征陸沈諸稿溪山堂吾美堂等集

四庫總目思孝有韻之文流麗清脫

構李詩繫純父格調幽疏聲文華潔長於近體

田按江陵在位安內穰外功自不可沒而暴戾恣睢

挫辱正人純父與艾和父合疏論其奪情廷杖八十

逮繫之辰蔡伯華入視純父雪涕言曰消息危甚吾

必棄官扶而櫬還偵者瞪目視之伯華神色自若純

父被杖後血肉淋漓下獄三日始僉解戍神電衛巡

撫劉堯誨者江陵黨也以尺符召之且牒尾手署曰

過期一日并逮卒杖之死純父行至恩平病不能前

縣令促之純父袖一匕首示令曰中丞必欲殺我我

有箴卷九

四

與之俱斃耳不然即伏尸軍府中令天下士大夫皆
知中丞殺我也堯誨問之氣阻得不死伯華作壯哉
行以紀其事純父之行也王弼州胡元瑞袁景從有
詩送之其底成所也講經授徒蔡郡丞懋昭為構借
山亭海剛峯有文朱宗良有詩紀之其召還也身州
輩復為歌詩以張之豈必從傾蓋身在何處復論家
鴻驚我白鷗沙神交人必從傾蓋身在何處復論家
過嶺清霜披瘴色懷人古戍有梅花江山處處堪文
苑莫遺窮愁負歲華元瑞詩云一夜飛章動紫宸衣
冠回首避龍鱗千秋愁濺孤臣血萬死猶存逐客身
燕嶠雪霜懸疏草日南花鳥候行旌遙知到日羅浮
夜獨倚吳鉤望北辰從詩云謫去君何意臨行解
佩刀憂危甘鼎鑊忠信涉波濤嶺海風煙直江雲瘴
痾高天王自明聖行矣莫辭勞宗良詩云百粵羣山
盡鬱盤草亭孤倚白雲寒高情不為投荒憾絕檄翻
同勝境看瘴海煙霞聊擁膝遠廬天地一悲闌傳聞
已下巖廊召回首銅魚路渺漫傘州歌送純父北上
兼訊艾光祿趙宮贊云純父自捧金雞歸奉嚴親
五湖社閉戶初憐此身得傍人再訝除書下母論當
路急需賢我自鑿坏猶勸駕繁霜臘作吳門冰勁節
與之鬪峻嶒疇疇當鼓棹如漁父誰不呼舟並李膺此
時絳灌須辟易此際屈賈仍馮陵承明璽郎初傑直

萬里天顏今咫尺臣直轉彰人主仁君肥卻慮吾民
瘠光祿艾卿趙宮贊握手生還玉門色趙子夙昔同
襟期艾卿亦忝文字知但今朝著有三益容我衡門
歌四雖君不見發弩健兒縱鼯鼠又不見埋輪使者
甯狐狸丈夫有才莫小用他日舜世肩臬夔元瑞聞
純父內召作云南過銅柱絕風塵北望金門戀隱淪
荳蔻花前千里夢桃榔樹底十年人驂鸞盡閱名山
色驅鰲長流大海春聞道天雞來旦暮可令宣室遲
孤臣

秋日閒居

候火照西州專征白露秋蓬婆城不閉羅鬼戍還留轉餉盤
江惡徵兵蜀道愁銅標誰更勒空憶武鄉侯

唐可封一首

可封字富順人隆慶戊辰進士官南戶部郎中

後湖同官讌集

玄洲開冊府勝覽集仙才倚權迴春甸尋芳過古臺煙花湖
上麗鷗鷺鏡中來夕照重回首漁歌正溯洄

陳堂一首

堂字明佐南海人隆慶戊辰進士累官光祿少卿有
朱明洞集

二月久雨簡鄰父

淡月多陰雨花愁不似春久無新燕至似厭主人貧車馬嗟
歧路江山羨隱淪相期聊一醉長作灑西鄰

張一桂一首

一桂字玉陽祥符人隆慶戊辰進士選庶吉士累官

吏部侍郎

慶成宴

千官拜舞載堯觴泰時回鑾樂未央瑞日在臨仙闕曙祥風
輕拂御爐香酒分醴醑傳鸚鵡樂奏簫韶下鳳凰共沐恩波
何以報願歌天寶祝吾皇

華叔陽一首

叔陽字起龍無錫人學士察子隆慶戊辰進士除禮
部主事有禮部集八卷

四庫總目叔陽爲華察之子王世貞之婿所作五言頗
有父風

春晚同韓存良諸君郊外燕集

投身嬰塵役坐惜春暉馳忽枉嘉侶招暫愜林中期晴靄
芳甸柔風披綠蕤遂淡班荆好因懷修禊時垂楊蔭長坂落

英汎清漪立言超俗趣戀賞杯行遲覽勝豈必還所貴獲衷私故山多白雲緬焉勞我思

早秋夜坐

炎歊欣夕斂秋意滿幽堂帙散閒堪把琴清靜自張疏星帶高樹微月明虛床何處遙鐘起塵心坐欲忘

唐邦佐 二首

邦佐字惟良蘭谿人隆慶戊辰進士授泰和知縣改如皋儀真入為刑部主事謫兩淮運司判官改贛州府通判遷光州知州有比部集

病後齒落垂盡感歎

垂老心猶童覽鏡朝未置摘白整吾冠謂老或可諱豈知齒

牙脫衰態難自蔽因憶爾初生玉白銛鋒利相從能幾何竟作鉛刀廢母乃肥甘傷得非言語累始脫殊自驚向人重含媿次第日以多安危不復計亦知本根撥枝葉終應墜投非東窗檢去作下阪驥從茲三緘口至理有深契

贈吳孺子

吾憐吳孺子瀟灑出人羣真隱非幽壑孤蹤似野雲三江春欲徧五岳杖平分訪古山陰道先尋禹廟文

帥機 一首

機字惟審臨川人隆慶戊辰進士授汝甯教授改國子學正遷兵部主事乞南改禮部歷郎中謫兩浙鹽運司運副歷彰德同知遷南刑部郎中出為思南知

府有陽秋館集四十卷

湯顯祖玉茗堂集思南君詩深穠澹簡率境而成
列朝詩集萬歷甲午西夏平惟審進頌詔付史館與
湯義仍為友惟審為南膳部郎義仍入南成均晨夕
過從故有著冠須訪戴脫冠須訪帥之詩惟審多讀
古文奇字好詞賦擬古二京及諸篇什僅存營魄要
為淹雅名士
田按惟審守思南獎拔士類多所成就五言研練不
為義仍之濫體惜不得其全集錄之

由從姑山登麻姑山

從姑壘郭門峯高徑亦窄巖下列僧房亂泉時瀝滴東竇徑
穿雲陰洞容枕席漸高境彌佳天橋霄漢迫遙望麻源山明
發究登歷雨意始蒼茫晴暉生嵐色霏煙結冥濛丹井函純
白三復謝公詩慷慨顏君石想見玉女蹤嗚佩安可覲洞天
舊占名仙都果繫籍平生慕江海此日探靈跡誓委九年心

欲搏萬里翼緬懷周續之竄景駐衰歷

送客寓清涼寺

水殿清幽歌館餘今朝化作梵王居後庭花謝胭脂冷猶自
涼風薄綺疏

方沆二首

沆字子及莆田人隆慶戊辰進士授全州知州遷南
戶部郎中改刑部出為雲南僉事謫甯州知州有猗

蘭堂集

玉筍詩談子及詩非貞元大歷以上語不道余出守
渝州後子及乃入青溪社同社中七君子納涼詩高
閣憑臨野望寬翩翩賦客共登壇百年逸氣還河朔
七子才名自建安牛渚風生檣影動龍山翠落酒杯
寒悠然鐘磬江城暮不盡狂歌更倚闌
閩書喻邦相云子及詩如秋山吐色靜女揚蛾五言

尤勝
蘭陵詩話子及少時避地邵武學詩於吳明卿在南
曹日與陳子野輩結青溪社詩律益進五言如山合
松楸晚沙寒橘柚秋瘴深青草候地控白狼西七言
如華表月明疑鶴下孤臺風起有龍吟江魚愁阻經
年字檣燕低窺隔水簾曲水暗通花下艇羣峯晴擁
竹西樓徵歌子夜供清賞結客丁年佐勝遊固是中
唐人語
田按子及詩音節高朗

詠古

叔夜稱性貽書絕良朋當其鼓鍛時意氣良自矜養生慕
松喬絕響託廣陵嗟彼冥鴻翩竟罹燉與燼援琴赴東市咄
咄愧孫登

送羅惟敏比部暫告還吳門

一疏辭丹陛雙旌出舊都倦遊成傲吏高論著潛夫秋水三

江鈞春雲五嶽圖懸知金虎署遙夜法星孤

喻均 一首

均字邦相新建人隆慶戊辰進士除工部主事以事
謫官尋遷蘭溪知縣歷處州松江知府進天津兵備
副使有蘭陰虎林仙都括蒼雲間前後山居等集

弁州山人續稿邦相詩文氣雄調古往往出人意表
詩藪近日詞場自吳楚嶺南外江右獨為彬蔚與余
交最久者喻邦相胡孟弼朱可大喻如浙江觀潮雁
宕天台等作胡如天津望海匡廬彭蠡諸篇朱如泰
岱嵩高兩岳遊稿皆高華雄邁與嘉隆相表裏
田按邦相入郟郟四子之列律句琅琅振玉

贈別沈純甫謫戍入粵純甫舊令粵有遺愛焉故次篇
及之

誓死銅龍效朴忠餘生還識主恩隆向來共道詞華麗此去

兼傳諫草雄炎海月明乘障後羅浮秋色入杯中故人亦是清狂者轉向休文恨不窮

楚江風送逐臣舟那得平原十日留客夢暫隨萍梗合離心
數傍瘴雲浮洲前芳草悲公子嶺外梅花識故侯最是番禺諸父老不禁清淚向君流

田一儁一首

一儁字德萬大田人隆慶戊辰進士選庶吉士授編

修進侍講屢遷禮部侍郎贈禮部尚書有鍾臺遺稿

十二卷

無題

兩朝勳業列旗常連正台階十五霜功格皇天誰可比只應

前世有空桑

國史唯擬田一儁無題詩為江陵奪情發也又春日偶感詩云兩夜東風作意吹桃紅李白冠當時多情卻恨春光少底事同林隔一枝似指張懋修嗣修兄弟若云曷少渠家一採花耳情見乎辭

胡來貢一首

來貢字順菴掖人隆慶戊辰進士累官大同巡撫

寄人

雪中寥落故人稀卻憶平原識布衣惆悵不堪聞戍角梅花一夜落金微

程拱辰一首

拱辰字仲星莆田人隆慶戊辰進士歷官應天府尹

就遷南通政使

鈞臺

煙水環山碧不見垂綸各空餘此高臺惆悵千年迹

葉九金

一首

九金字廷相莆田人隆慶戊辰進士歷官江西僉事

送沈二丈下第南歸

握手臨流共醉歌相看意氣竟如何河橋柳色愁中盡禁苑
鐘聲夢裏多此日琴樽清夜短幾時湖海客星過古來白璧
終須售莫向荆山泣卞何

徐大任

一首

大任字重夫宣城人隆慶戊辰進士除工部主事歷

官工部侍郎

飲袁家園

白雲

山雲樹好況復此亭林牆不礙山色池能清客心蓬蒿

蹊未沒濠濮想偏深幸有羊求在名園豈陸沈

胡汝煥

一首

汝煥字文甫南昌人隆慶庚午舉人

六郡良家子

六郡良家子翩翩意氣雄結營當太白吹劍拂長虹心折胡
塵外名高漢殿中請纓君等事長揖莫論功

梁岳

一首

岳字 廣州順德人隆慶庚午舉人官瑞州推官

浪遊淹歲月倏爾鬢毛斑舟楫飄零苦關河去住艱停雲思

故國貫酒破愁顏芳草江南綠王孫幾日還

樂府

賦役之勞

六將

六將

前

隨

知未

自是

知

